

DICTIONNAIRE

ARTILLIER

HISTORIQUE.

C'EST A DIRE,

Repertoire Alphabetique des noms
François des pieces, meubles, oustils,
ustanciles, armes & munitions ser-
uans au faict de l'artillerie & de la
guerre, avec leurs etymologies & in-
terpretations, tirées du Latin, Grec,
& autres langues, & originaiement
de l'Hebrieu: Le tout enrichy de si-
gnalez discours & histoires, & recité
par vn Curieux & l'Autheur,

*Daniel Dauelourt, Escossois, Officier
& Deschargeur ordinaire en
ladite Artillerie.*



A PARIS,

1623.

Avec Privilege du Roy.

22770



A MONSEIGNEUR,
MONSEIGNEUR LE
Marquis de Rosny, Conseiller
du Roy, en son Conseil d'Etat,
Capitaine de cent hommes
d'armes des Ordonnances de
sa Majesté, Grand Maistre &
Capitaine General de l'Artil-
lerie de France, & Gouverneur
des ville & Chasteau de Mante.



MONSEIGNEUR,

*Quelques uns s'es-
bahiront de ce que
ie me suis ingeré de
mettre en lumiere ce
mien Dictionnaire Artillier, veu que*

chacun peut trouver les noms mention-
nez en iceluy, ailleurs voire dans mon
Instruction sur le faict de l'artillerie. A
ceux là i'oppose deux raisons pour res-
ponce, La premiere, que plusieurs Of-
ficiers de ladite artillerie scauent bien
tels noms, mais ne peuvent gouster l'u-
sage & appropriation d'iceux, que i'ay
observé en cedit Dictionnaire: ioinct
l'accommodation des histoires & dis-
cours adaptez sur chaque matiere où
il eschet, dont le Lecteur recevra non
petit contentement. Tel aura la teste
farcie de mots de plusieurs Arts &
sciences qui en ignorent la pratique.
L'autre raison est, qu'estant redigez
par ordre alphabetique on les peut plus
aisement comprendre; methode qui
fortifie & corrobore la memoire. Cest
pourquoy au commencement ou à la fin
des livres des bons Auteurs on inserre
des tables alphabetiques des chapitres

*Et matieres y contenues. Lesquelles
raisons vous approuuerez, s'il vous
plaist, Monseigneur, selon vostre bon
iugement & prudence singuliere, que
ie m'asseure, tous Officiers & amateurs
de l'artillerie suiuront: mesmes de tant
que ce mien petit labeur (œuure neant-
moins d'un an) aura vogue par tout
soubz la faueur & protection de vostre
grandeur, laquelle ie supplie le Createur
maintenir longuement en santé & prof-
perité, & me faire la grace de demeu-
rer perpetuellement,*

MONSEIGNEUR,

**Vostre tres-humble seruiteur,
Officier & sujet de l'artillerie
D. DAVELOVRT.**

Faint, illegible text, likely bleed-through from the reverse side of the page.

TO THE MOST HONORABLE
OFFICE OF THE SECRETARY OF STATE
WASHINGTON, D. C.



DICTIONNAIRE

ARTILLIER

HISTORIQUE, &c.

*Recité par un Curieux, & l'Au-
theur.*



LE CURIEUX. Lors que nous estions l'Esté dernier promenans & confabulans dans les plaisans Jardins de Cachant, Arcuëil, & Gentilly lez Paris, & entre autres discours, tombant sur ce qui estoit del' Artillerie & ses deppendances, ainsi qu'on m'en auoit fait recit de vous, qui en auiez assez passablement escrit; Vous me repliquastes qu'estiez en volonté de dresser vn Dictionnaire Artillier par ordre Alphabetique, de ce

A

qui appartient au fait de ladite Artillerie & de la guerre. Ce que ie trouuay estrange, veu qu'estant comme aux fauxbourgs de la mort, (puis que selon le Royal Prophete. Pseaume 89. -----

----- *sept dixaines d'années*
Rendent des iours humains, les bornes terminées.

Et ce qui peut rester n'est que chagrin, peine, trauail & soucy.) Vous apprenez à dicter & escrire, & commencez de rechercher nostre Abecedaire.

L'AVTHEVR. Cela est vray, mais ie ne suis le premier en telle affaire. Car Caton en sa plus grande vieillesse apprenoit les lettres Grecques. Platon aagé de 81. an, deceda en escriuant de la Geometrie. Isocrate aagé de nonante quatre ans, escriuoit des gestes des Atheniens: **Et Leontin Gorgias** n'a oncques desisté de ses estudes ayant vescu cent sept ans.

LE CVR. On raconte que Socrates, le maistre du mesme Platon au periode de sa vie commençoit à iouër de la lyre.

L'AVTH. En nos iours Pierre de Ronfard le Prince des Poëtes François, & le Poëte des Princes, à soixante & vn an,

dictoit, prioit & mouroit tout ensemble, tesmoings ses derniers vers. Messire Arnauld de Beaulne, Archeuesque de Bourges, & depuis de Sens, grand Aumosnier de France, octogenaire, estudioit en la langue Hebraïque.

LE CVR. Puis que c'est vostre desir que i'entende quelque chose de vostre Dictionnaire, ie vous prie de commencer.

A

Acier. Prouient de *axis* selon aucuns, mais ie trouue plus d'apparence de le déduire du Latin *acies*, & pour le mesme esgard, assauoir pour ce que les poinctes de tous oustils de fer de gens de mestier sont acérées.

LE CVR. Est-ce vne espece de metal.

L'AVTH. Quelques vns le tiennent ainsi, & les autres l'en rejettent; Voyez ce que i'en ay dit en mes Recherches, Chapitre II.

LE CVR. D'où prouient le meilleur.

L'AVTH. De Damas en Syrie, Hongrie

& Piedmont.

Affust. Est le logement de chacune piece d'artillerie, assemblé de deux grosses pieces de bois d'Orme appelez flasques, & de quatre entretoises de bois de Chesne.

LE CVR. D'où vient l'origine du mot.

L'AVTH. De, *Fustis*, Latin, signifiant fust, ou gros bois, & de là est dériué ce que nous nommons bois de haute Fustaye.

LE CVR. Quels longueurs, largeurs, & espaisseurs ont les affuts & flasques, & ce qui en despend?

L'AVTH. Ayez recours en mon Instruction Chapitre IV. & en mon Arcenal Chap. XXXVI.

Amorsoir. Est vn oustil en rond ou languette seruant à Charpentiers, Charrons & autres, pour percer trous & faire mortoises.

Apotiquairerie. On a de coustume de faire en vn siege & armée, prouision de plusieurs drogues, medicamens & vstancilles d'Apotiquairerie, pour penser les officiers de ladite Artillerie malades, & pour ce il y a Medecins, Apotiquaires,

& Chirurgiens, gagez des deniers destinez au fait de ladite Artillerie.

LE CVR. D'où a prins son origine ce loüable deuoir?

L'AVTH. Ce peut estre de ce que le Prince Aurelian auroit commandé à ses Lieutenans, qu'entre autre chose les soldats fussent pensez des Medecins gratuitement, ainsi qu'il est mentionné en son Epistre rapportée par Flaue Vopisc. Cela mesme dit Flaue Vegece liure II. de l'art militaire chap. X. I'adiousteray encores quelques exemples (combien qu'ils soient de pareille aduantage que lesdits Officiers de l'Artillerie) rapportez par Iules Cesar au 5. liure de ses Commentaires des guerres ciuiles, & Paul Iouie au liure 2. des Histoires de son temps. Labian s'estant reuolté contre ledit Cesar & suiuant Pompée en Lybie, fit porter les soldats blesez en vn choc donné contre ceux de Cesar, à Adrimante, cité Lybienne pour les y faire guerir. Autant en fit le Marquis de Mantouie general pour les Venitiens, apres la bataille de Fornouë qu'il perdit contre les François, faisant porter les blesez à

Parme pour estre pensez.

Armes. *Arma* en Latin, dénote généralement tous instruments de guerre, & toute chose avec laquelle on se bat & deffend, comme en Virgile:

Iamque faces & saxa volant, furor arma ministrat.

Ia les falots de feu, les pierres & cailloux: Voloient, & la fureur donnoit armes en nous.

LE CVR. Mais Isidore dit les armes estre généralement les instrumens de toutes choses.

L'AVT. C'est improprement & par similitude de ceux de guerre, comme on dit *arma cerealia*, les instrumens à moudre le froment, *rustica*, ceux des laboureurs: Ainsi disons nous, les armes des Escoliers sont les liures.

LE CVR. Or d'où vient la vraye origine de ce mot, armes?

L'AVT. Combien qu'elle soit de *arma*, ainsi que i'ay dit cy deuant: Neantmoins elle est du mot Hebrieu, *aram*, par transposition de lettres, ou de *Charam*, signifiant en Chaldée, *Bellare*, guerroyer.

LE CVR. Il semble que les Latins varient en l'etymologie de ce nom.

L'AVT. De vray, Varro en son quatriesme liure de la langue Latine, à dit, *arma ab arcendo quod his arcemus hostem*, d'autant que par icelles nous repouffons l'ennemy, Festus, *arma propriè dicuntur ab armis, id est humeris dependentia*. Comme vn bouclier, espée, poignard, ou dague.

LE CVR. Mais veu que toutes armes ne se portent pas sur les espaules, ains des mains ou des bras: comment sont elles dites, *arma ab armis*?

L'AVT. On peut entendre par ce mot *armus*, les bras avec les espaules, dont est que *arm*, a esté deriué en Alleman, & Flaman, pour signifier le bras.

LE CVR. Isidore le fait deriuier outre ce que dessus, d'ailleurs.

L'AVT. ἀπὸ τῆς ἀρεῖας. Id est, à *Marte*, ou bien ainsi qu'aucuns ont dit, d'un autre mot Grec ἀρμαξοῖν. C'est à dire bien conuenir: car de vray les armes sont inutiles si elles ne conuiennent tellement au corps qu'elles ne soient ou trop amples ou trop estroictes, à ce que le corps ne soit blessé par resserrement ou estressisse-

8
ment ; ou empesché par la largeur ou
grandeur d'icelles.

LE CVR. On dit toutesfois que Patro-
cle se seruit des armes d'Achille , qui
estoit beaucoup plus grand que luy , car
comme dit Licophron , il auoit neuf
coudées de hauteur.

L'AVT. Il est bien certain que Patro-
cle se seruit des armes offensives d'A-
chille , car se battant avec Hector , il
auoit la targe & la picque & non les
deffensives , qui estoient celles que Vul-
can luy auoit forgées : Ainsi David s'est
feruy des armes de Goliath pour luy
couper la teste , car pour le regard de
son corselet qui estoit lors arme legere,
& non à l'espreuue de l'arquebuzze, ou
mousquet, il pesoit cinq mil sicles : Or
chacun sicle pese quatre dragmes , par-
tant le corselet pesoit deux cens huit li-
ures quatre onces.

LE CVR. Veudoncques qu'il y a des ar-
mes offensives & deffensives , quelles
sont les offensives ?

L'AVT. Les mousquets, arquebuzes, pi-
stolets, piques, hallebardes, pertuisanes,
lances, espées, & poignards, & peuuent
aucune-

aucunement estre dictes deffensives,
comme actions & passions relatives.

LE CVR. Et les armes simplement deffensives?

L'AVT. Sont haussecols, cuirasses, brasfars, tacettes, corcelets, heaumes, casques, morions, targes, rondaches, & boucliers, & sont par accident offensives.

LE CVR. S'il arriue qu'avec vne de ses armes on assomme quelqu'un, comme fut ceste fille Tarpeia, d'un bouclier par les Sabins (ainsi que dit Scaliger sur Varro.)

L'AVT. Par accident ce bouclier a seruy d'arme offensive, qui de soy n'estoit fait que pour se deffendre.

LE CVR. Doncques en vne armée la prouision des armes est necessaire?

L'AVT. Ouy, & me souuient auoir leu qu'en la deffaite de cette admirable armée du Sultan de Babylone, qui s'estoit ligué avec le Pape Gregoire IX. contre les Tartares, il y fut nombré quarante mille chariots chargés d'armes & equipages, & quarante mille hallebardes garnies de fin or, & enrichies iusques à la

pointe, qui monstre la parade auoir
 tousiours esté plus grande entre ces
 Barbares, que la vertu & le courage.

Arquebuz e. Il y en a de plusieurs for-
 tes: assauoir à croc, lesquelles sont ordi-
 nairement de cuiure, à mesche, & à
 rouët.

LE CVR. I'en ay ouy autrefois quelque
 lecture dans Polydore Vergile.

L'AVT. C'est au deuxiesme liure des In-
 uenteurs des choses, chapitre vnzieme,
 où il dit: *Appellatur arcusbusius à foramine,*
quo ignis in puluerem fistula contentum im-
mittitur, nam Itali busium vulgò foramen di-
cunt, & arcus, quòd instar arcus pugnantis
sit. Quippè hodie huiusmodi tormenti vsus in
primo statim pugne loco est, quem olim sagit-
tarijs dabant quum à missilibus præliari incipe-
rent. Arquebuz e, est ainsi appellée à cau-
 se du trou par lequel le feu du bacinet
 auant entre dans le canon: car les Ita-
 liens nomment vn trou, *busio*: & arc, à
 cause qu'on s'en aide maintenant com-
 me iadis on faisoit des arcs à la guerre:
 veu que les Archers auoient le temps
 passé la premiere pointe, ainsi qu'à pre-
 sent ont les arquebuziers aux combats

& batailles.

LE CVR. Aucuns confondent ces mots?
(arquebuze & escopette.)

L'AVT. Il n'y a autre difference que de la longueur, grosseur, & du calibre. Or puis que nous sommes sur ceste distinction de calibre, j'ay apprins qu'il seroit bien requis de faire remonstrance au Roy que d'oresnavant tous les mousquets n'auroient qu'un calibre, & les arquebuzes un autre seul, soit que sa Majesté en voulfist faire magazin, ou pour armer gens de pied: d'autant que comme on a de coustume de faire mener & voiturer en vne armée des balles de plomb de plusieurs sortes de calibres, il est arriué qu'il ne s'en est trouué peu qui eussent sceu servir à tant de diuersitez d'arquebuzes & mousquets.

Artillerie. Nom general que Paradin & autres ont nommé *tormentum bellicum* ou *æneum*, dont y en a six especes du calibre de France, comme nous dirons cy apres.

LE CVR. Qui en a esté l'inventeur, & d'où vient l'etymologie du mot, plus comment s'en fait la fonte?

L'AVT. Lisez les II. & III. Chapitres de mon Instruction, & le II. de mon Arce-
nal.

LE CVR. Feu mon pere, vassal du def-
funct Dom Sebastien Roy de Portugal,
ayant esté prins prisonnier en la guerre
des Mores en Barbarie, pour payer sa
rançon luy estoit necessaire vendre vn
sien chasteau estant és frontieres du-
dit Portugal, à la reseruation des pieces
d'artillerie qui y estoient, comme les re-
putans meubles, à cause dequoy la ven-
te ne reüssit : c'est ce qui me fait vous
prier m'esclaircir de ceste question.

L'AVT. L'artillerie & autres engins ser-
uans & destinez à la tuition & deffence
d'vn chastel & place forte, appartienn-
ent au propriétaire d'iceluy. Ainsi
dient la Coustume de Niuernois, des
meubles, art. 10. Bourbonnois, art. 286.
Berry des meubles, art. 4. & dit qu'ils
sont reputez immeubles : ainsi dient
Laon, art. 102. & Touraine, art. 227. qui
parle des grosses pieces : dont resulte
qu'à cause de la destination, telles pie-
ces sont immeubles, car selon leur na-
turel, elles sont meubles, combien qu'el-

les soient difficiles à mouuoir. Or pour estre centée, la chose faire portion de l'immeuble, non seulement est à considerer si elle est attachée par fer, cloud, cheuilles, ou matiere, mais aussi si elle est mise pour perpetuelle demeure. *L. fundi. §. Labeo. ff. de actionib. empt.*

LE CVR. Recitez-en ie vous prie quelques arrests.

L'AVT. Par Arrest du 13. Aoust 1513. entre Gouffier, & Claude de Chamigny sa femme, & Hugues de Iautrin, & Claude de Roussillon sa femme, parauant vefue de Philippes de Chamigny, en son viuant sieur de Saultour, est dit que quant à la grosse artillerie appellée canons perriers, ils seront remis & restablis au chasteau d'où ils auoient esté transportez par la vefue: Et quant à la menuë artillerie, engins à main & arbalestres seront partagez comme meubles. Par autre Arrest du seiziesme Feurier mil cinq cens quarante sept, entre le Comte de Nanteüil & le sieur de Baudicourt, l'artillerie du chasteau de Vignory, fut iugée estre partie du fond, & qu'elle demeureroit à celuy auquel ap-

partenoit le chasteau.

LE CVR. Vous m'avez dit qu'il y auoit six especes du calibre de France, n'y en a il point d'autres façons?

L'AVT. Pierre Maffée au sixiesme liure de son Histoire des Indes, recite que la fonte de l'artillerie est en tres-ancien vsage entre ceux des Sines, (que le vulgaire nomme auiourd'huy la Chine) & font les aucunes, à pieces separées: tellement que desmontées & mises ainsi sur des hommes ou bestes de somme, ils les portent où ils veulent sans aucun grand trauail. Paradin liure deuxiesme des histoires de son temps, chapitre V. dit qu'en la deffaite & fuite des bannis de Siene l'an mil cinq cens vingt six, ceux de la ville victorieux eurent toute l'artillerie, instrumens & munitions de leur camp, entre lesquelles pieces fut laissée vne d'horrible & prodigieuse grandeur, appelée Chimere, laquelle les Siinois menerent en leur ville en grand honneur. Il y a d'autres pieces qui ont trois corps, & que par mesme moyen elles tirent trois coups l'vn apres l'autre, sans qu'on les charge de nou-

ueau: Et mesme il y en 'a telle qui a sept
concautez, comme il se trouue au cha-
steau sainct Ange à Rome. Voyez ce
que i'en dis plus amplement cy apres
sur le mot Canon.

LE CVR. Mais ie ne sçay d'où prouient
que quelque enuieux de l'artillerie luy
a donné attaque, disant: Allez à mon
cuifinier, qu'il mette à la broche vne
douzaine & demie de coups d'artillerie
lardez avec infinis tronçons de piques
& hallebardes, que i'ay rompuës en
tant d'armées que i'ay surmontées en
ce monde, & deux ou trois douzaines
de mousquets & pistoles sur le gril.

L'AVT. Ne vous amusez point à ces ba-
gatelles bien qu'elles soient imprimées,
car c'est imprudence, & ne sont que ro-
domontades Espagnoles.

Attelloires de fer. Sont cheuilles rondes
qui se mettent dans les lymons des af-
fusts des pieces d'artillerie, chariots &
charettes.

B

Balance. Bilanx en Latin, & ainsi sem-
ble qu'il soit composé de *bis*, deux, &
lanx, escuelle ou bassin, ou du Grec
πυλαων. *Bilanza*, en Italien, *balança*, en Es-
pagnol, *balance*, en Flaman & Anglois,
& l'Hongrois a retenu *lanczos*, en mes-
me signification.

LE CVR. Y en a il de plusieurs fortes, &
pourquoy seruir?

L'AVT. Il y en a de grandes garnies de
leurs fleaux de fer, plateaux de bois &
cordage, pour peser pieces d'artillerie
& autres gros fardeaux: de moyennes
seruans à peser cuiure, fer, plomb, cor-
dage & autres munitions: & de petites
pour peser à la main.

Balles de plomb. Pour arquebuzes à
croc, mousquets, arquebuzes à main &
autres bastons à feu. Pour le regard des-
dits mousquets & arquebuzes, ils ne
deuroient auoir chacun qu'un calibre,
& par consequent leurs propres balles,
pour les raisons que i'ay cy deuant de-
clarées

clarées sur le nom (arquebuse.)

Bandes de fer. Comme de dessus & dessous & autres à affusts & rouës de pieces d'artillerie, chariots & charettes, dont on pourra voir le V. chapitre de mon Instruction.

Bandolieres. Avec leurs charges pour mousquets, qui peuuent estre reduites à vn seul calibre ainsi que dessus est dit.

Barils. Seruans à mettre poudre d'amorce & balles de plomb.

Barroir. Vn long tariere, foret ou vuille de Tonnellier, de quoy on fait les trous à mettre les chevilles qui tiennent la barre du fonds d'vn muid ou autre vaisseau.

Battarde. Est la troisieme espece d'artillerie du calibre de France, estant dériué de *bastard*, que les Allemans ont tranferé en leur langue aux choses inanimées, appellan tout ce qui degene-re ou qui ne conuient assez à la façon & nature d'autre, *bastard*. Outre voyez ce que i'en ay dit en plusieurs chapitres de mon Instruction, tant pour ceste sorte que des cinq autres especes d'artillerie.

Bec-a' asne. Outil seruant à charpentier,

charon & menufier.

Besaguë. Grand oustil à charpentier, quasi *bis acuta*, *bis aguë*, ou deux fois aguë, a *duplici videlicet acie aut acumine*, d'un double tranchant, taillant ou poincte, dit en Latin, *biceps & bipennis*, qui vient de l'Hebrieu, *panan*, qui fait *pinna*, interpreté *angulus*, au plurier *pinnot*, *turres fortes*, quia *anguli sunt fortitudo edificij*. Ainsi il est facile à iuger que de *pinna*, *pinna* a esté retenu en Latin en mesme signification, *angulus in muris*, & de là de *pinna*, *pinnaculum*, *turris in pinnas seu pinnam desinens*.

LE CVR. Je ne me puis persuader que des angles d'une tour, ce mot bezaguë soit dériué?

L'AVT. Il faut sçauoir que de *pinna*, *bipennis*, soit composé, quasi *bis & penna*, quod *duas pinnas*, id est, *duo latera in aciem & acutum desinentia habeat*, que les Hebrieux ont autrement appellé *ora*, *heuen pijoth*, *gladius orium*, id est, *gladius duarum acierum*, d'où ie reuiens encore au mot Latin, *biceps*.

LE CVR. Pour finir l'etymologie de ce mot bezaguë, ne peut-il estre dériué.

d'ailleurs?

L'AVT. Ouy bien, assavoir de cemot Latin, *bis*, & *axt*, signifiant en Allemand hache ou congnee, & delà on coniecture que les François ont dit bezaguë, comme double hache ou congnee, d'autant mesme que le mot Grec *πέλεκυς* signifiel'vn & l'autre.

Besche. houë ou louchet. Oustil dont les pionniers se seruent pour fouyr & creuser fossez & tranchées.

Bigorne. Il y en a de plusieurs sortes & grandeurs propres à forgeurs, ferruriers, armuriers & autres artisans.

LE CVR. Pourquoi l'appelle-on ainsi?

L'AVT. C'est comme qui diroit *biscorne*, vne espeece d'enclume ayant deux cornes ou bouts.

Bombarde. En aucuns pays ce nom est encores retenu signifiant toute sorte d'artillerie, à cause dequoy les Italiens nomment leurs canonniers *bombardieri*.

LE CVR. En France, le mot (artillerie) est plus en vsage.

L'AVT. Ce qui est vray pour les raisons que i'ay deduites en mes Recherches, chapitre III. où tu trouueras aussi leurs

etymologies.

Bouclier. Ce mot est confus avec *escut*, *escusson*, *pauois*, *rondache*, & estoient anciennement faits de plusieurs cuirs de beuf, comme en Ouide au commencement du 13. des Metamorphoses:

*Surgit ad hos Clypei dominus septemplex
Aiax.*

LE CVR. Aussi l'est-il bien en Latin.

L'AVT. *Clypeus* & *scutum*, signifient toute cette suite, horsmis que comme dit Isidore, *Clypeus* est pour les gens de guerre à pied, & *scutum*, pour caualiers.

LE CVR. Il me semble qu'il y a vne autre difference de ces deux mots *clypeus* & *scutum*.

L'AVT. C'est que le premier est rond, & parauenture estoit ceste armure qu'anciennement portoient en guerre les gens de pied, appelée *rondelle*, *parma* ou *orbis cauus*, d'où peut estre dériué nostre *rondache*: & le *scutum* estoit en long de quatre pieds, & de deux pieds & demy de large. De ce voyez Virgile au 8. des Eneides:

————— *scutis protecti corpora longis.*
Et tout le corps de long pauois se couvre.

LE CVR. Y auoit-il pas anciennement vn grand supplice à ceux qui delaissoient leurs boucliers ?

L'AVT. Par les loix Grecques, non qui laissoient l'espée, lance ou iaueline, mais le bouclier, estoient punis griefuement: Et les femmes Lacedemoniennes enuoyans leurs fils à la guerre, fouloient leur encharger, ἢ σὺν τούτῳ, ἢ ἐπὶ τούτῳ. C'est à dire, avec ce, ou sur ce, signifians ou qu'ils rapportassent leurs boucliers & escussions, ou que morts ils fussent rapportez sur iceux. Les Allemans aussi reputoient vn grand des-honneur & forfait de laisser leurs pauois & boucliers, ainsi que rapporte Corneille Tacite en leurs coustumes. C'est pourquoy, comme escrit Ammian liure vingt cinquiesme, Epaminondas mourant demandoit, si son bouclier estoit sauf.

LE CVR. Puis que telles ordonnances estoient. Il faut donc inferer, que ceux qui s'en seruoient bien estoient grandement recommandables.

L'AVT. Ce qui a fait que Cefar remunera & recompensa dignement le Centenier Sæue, pour auoir son bouclier re-

ce en vn chasteau pres Duras, que les gens dudit Cesar deffendoient contre ceux du party de Pompée, deux cens trente coups de flesches, & où il y auoit autant de trous: car ce fut par ce moyen principalement que la forteresse fut conseruée. Lisez le mesme Cesar en ses Commentaires des guerres ciuiles, liure vingt troisieme.

Bouëttes. Il y en a de deux sortes, de cuire à faire salues, & de bois liées de fil de fer pour mettre aux bouts des hampes de lanternes de chargeoirs, escouillons & refouloirs des pieces d'artillerie.

Bougie de cire. Du mot Chaldée, *abouca*, est signifié *fascis*, fagot ou bourrée, *virga cereata*, verge cirée, bougie pourroit venir en François, *quasi de abouga*, où ce mot Chaldée est exposé ailleurs, *tæda*, vne certaine sorte d'arbre dont on fait des torches qui allument comme de cire, & *fax*, vne torche ou falot. De ces bougies il y en a de blanches & iaunes, dont on se sert la nuit pour la maison de Monseigneur le Grand Maistre, ses Lieutenans & principaux Officiers de

l'artillerie, au quartier d'icelle en vn sie-
ge & armée.

Boulet. Il dériue de βόλος.

LE CVR. Combien de calibres y en a-il?

L'AVT. Autant que de pieces d'artille-
rie, & pour ce voyez leurs calibres &
poids, & touchant ce qui est de la fonte
de France, en mon Instruction, chapitre
II. III. & X. & mes Recherches chapitre
XIX.

LE CVR. Comme se nomment ils en
Latin?

L'AVT. *Pilæ tormentariæ, pilæ ferreæ, ou
globi ferrei,* selon Paradin.

LE CVR. Il semble donc que tous bou-
lets soient de fer.

L'AVT. Maintenant ils sont de ce me-
tal, combien qu'en nécessité on en puis-
se faire de terre & glaise cuite, pierre,
plomb, metal de cloche, & mesme de
marbre, dont vserent les Turcs au siege
de Rhodes, en ayans fait tirer dixsept
cens treize boulets de marbre, & huit
cens de metal, farcis d'artifices de feu.

LE CVR. Me ressouuenant de ces bou-
lets de pierre, i'ay ouy dire qu'il y en a
de naturels?

L'AVT. Messire Simon Majole d'Ast, Euesque de Valtoure, en ses iours caniculaires, liure dix-huictiesme escrit, selon que l'a rapporté Pierre Hispal: Qu'aux terres Neufues la nature a imité l'art, entant qu'en des vallées elle produit grande quantité de cailloux si parfaitement ronds, qu'on en vse & s'en sert pour mettre aux pieces & canons de guerre: car on en trouue de grands, moyens & petits. Pierre Martyr en la septiesme Decade, chapitre VII. de son liure intitulé, *Novus Orbis*, Nouveau Monde, dit qu'en l'Isle Ferdinande il y a vne montagne où se trouuent des boulets de pierre à canons & couleuerines, avec veines de quelque metal, si ronds qu'un artisan si expert qu'il soit, n'en scauroit former de si ronds, & dont plusieurs furent presentez à l'Empereur Charles le Quint, qui les fist mettre en reserue & magazin.

Boulons de fer. Ils sont à testes perduës seruans à mettre au trauers des affusts pour les tenir en estat.

Bronze. Cuiure, airain, leton sont mots synonymes, c'est à dire, signifians vne
mesme

mesme chose.

LE CVR. Toutesfois pour m'en esclaircir davantage, recitez les discours & histoires sur chacun d'iceux & en son ordre.

L'AVT. Avant ce, ie diray que bronze vient de ὄβριζον, *obrizum*, quasi *ophirizum*, de l'Hebrieu, *Ophir*, que quelques vns ont voulu estre par là signifié le fin or. Quant aux choses plus releuées & priées, elles ont esté faites de bronze: Plin liure trente-sixiesme, chapitre XXV. raconte qu'en ce magnifique theatre de Marcus Scaurus, il y auoit trois mil statuës de bronze, posées entre trois cens soixante colomnes. A Rome, au Palais du Capitole, vn peu plus bas que l'Eglise nostre Dame Dara: de premiere abordée on void l'admirable chef-d'œeuure d'vne belle statuë, representant l'Empereur Marc Aurelle monté sur vn cheual, le tout de bronze doré, que les Venitiens ont desiré auoir donnant son pesant d'or: Et entrant au Palais où le Senat se tient, on y void les statuës de bronze doré du Dieu Hercules & son fils. En l'Eglise saint Marc de

Venise entre les pulpitres il y a treize images de bronze, representans la Vierge Marie & les douze Apostres.

LE CVR. Passant par Florence, i'y ay remarqué quelques figures, dont il ne me souvient à present.

L'AVT. En la principale galerie du grand Duc, entre plusieurs statuës on y void celle antique de bronze de Scipion l'Affriquain qui subiugua Hannibal & Syphax, & fist Carthage tributaire: Et à l'entour d'un grand vase de marbre de la superbe fontaine de ladite ville de Florence, il y a quatre Satyres & autant de Deesses qui iettent l'eau par diuers lieux, & és quatre coings dudit vase sont quatre autres belles statuës, le tout de bronze.

LE CVR. Je suis bien aise que cét excellent metal soit employé en choses belles, non en de difformes & espouventables comme ce taureau de bronze de Perille, dont ie desirerois sçauoir l'histoire.

L'AVT. Ce Perille statuaire & grand ingenieux pour gratifier la tyrannie de Phalaris Roy des Agrigentins en Sicile,

appliqua la dexterité de son esprit à faire ce taureau de bronze creux, pour faire brusler là dedans les hommes que Phalaris voudroit faire mourir, afin que nul eust compassion du patient, d'autant que le cry du tourmenté se bruslant dedans, sembloit estre vn mugissement de taureau.

LE CVR. Qu'elle recompence en eut-il?

L'AVT. C'est que l'inventeur mesme de ce cruel supplice l'essaya le premier: car Phalaris commanda qu'on bruslast de ceste façon le malheureux Perille.

LE CVR. Diuertissons nous par d'autres histoires plus agreables.

L'AVT. Je ne vous puis reciter que celle de Donatelly, la statuë duquel montée sur vn grand cheual, est esleuée sur vne haute masse de pierre, en vne grande & spacieuse place deuant l'Eglise saint Anthoine de Pade à Padouë, portant à sa ceinture les petites statuës de deux siens fils qu'il massacra pour auoir conspiré contre leur patrie, le tout de bronze.

LE CVR. Et que dites vous du cheual

de bronze sur lequel est la statuë de feu HENRY LE GRAND sur son piedestal au pont Neuf à Paris.

L'AVT. C'est là où ie vous attendois: œuvre digne d'eternelle memoire, que le Serenissime grand Duc de Toscane Ferdinand, meu d'un bon zele vers la posterité, fit faire & ietter en bronze ceste statuë par l'excellent Sculpteur Iean de Boulongne, representant à cheual sa Majesté tres-Chrestienne, que le Serenissime grand Duc Cosme second du nom, fist acheuer d'elabourer par le sieur Pierre Taca son Sculpteur, & l'envoya en tres-digne present sous la conduite du Cheualier Pescholini, agent de son Altesse, à la tres-Chrestienne & tres-auguste MARIE DE MEDICIS, Royne Regente en France, l'an mil six cens quatorze en Aoust, LOVYS XIII. du nom Roy de France & de Navarre, lors & à present regnant. Or ce piedestal est comme le theatre de la France, & un abregé de la vie de ce grand Roy, representant entre vne infinité de ses actes heroïques, cinq, que Franqueville a rassemblez en ce subiet, où les diuerses na-

tions de l'Europe tour à tour, & par fois toutes ensemble, ont ioüé pendant nos iours vne sanglante tragedie. Ce grand Prince par sa valeur les a renuersées à bas, resté au dessus comme il est. Entre plusieurs vers Latins estans à l'entour, il y a ces quatre en François seulement.

*Tel fut HENRY, grand honneur de la terre,
Astre de Paix, & vray foudre de guerre,
L'amour des bons, la crainte des pervers,
Dont les vertus meritoient l'Vniuers.*

C

Calibre, ou qualibre. Il y en a de fer & de bois.

LE CVR. A quoy seruent-ils?

L'AVT. Pour recognoistre si les bonlets qui se font aux forges sont du calibre de France & bien esbarbez: ou s'il y a nombre de plusieurs sortes pesle-mesle en quelque ville ou magazin, pour les distinguer & separer: de là est venu qu'on dit calibrer, pour comparer & egaliser.

Canon. Vient de *canna* en Latin & Italien, canne ou rozeau pour estre creux, *canas* en Espagnol, en Grec *Καννὰ*, ou *Kaneh* Hebrieu. Tellement que ce mot canon est ainsi dit, *quòd sit tormentum bellicum instar cannae & fistulae concauum*, d'autant que c'est vne piece d'artillerie creuse, à la similitude d'un rozeau ou tuyau.

LE CVR. En quel rang mettez vous le canon?

L'AVT. Au premier du calibre de France

LE CVR. Il semble qu'il contienne neantmoins chacune espeece d'artillerie: car on dit vn canonnier qui execute toute sorte de pieces, mesmes la maniere de parler court, tout le canon a ioué ou tiré.

L'AVT. C'est en vulgaire, au lieu de dire, toute l'artillerie: Mais puis que les autres pieces ont leurs noms particuliers, il est bien raisonnable que celle qui tient le premier lieu, ait le sien propre & special.

LE CVR. Dites nous quelque chose du calibre du canon, poids & longueur.

L'AVT. J'en ay traicté en plusieurs cha-

pitres de mon Instruction, & en mes Recherches chapitre XIX. où on aura recours & pour les autres especes d'artillerie sans en repeter davantage.

LE CVR. Tout ce qui est dit canon, est-il d'un mesme calibre ou forme.

L'AVT. Non, car en certaines Prouinces de Septentrion, outre l'ordinaire des canons qui sont communément Spheriques & ronds, il y en a de qui la concauité & fouspirail est triangulaire, de maniere que le boulet qui en sort est pareillement fait en triangle.

LE CVR. Villamont liure troisieme de ces voyages chapitre XII. dit qu'en vne court du chasteau du grand Caire de Babylone, on void vn canon nommé *Touffa*, d'esmerueillable grosseur, car vn homme tout entier peut entrer dedans & faut deux cens cinquante cheuaux pour le tirer.

L'AVT. Cela peut bien estre, veu que le Turc pour battre Malte l'an mil cinq cens soixante cinq, auoit cinquante doubles canons, tirans chacun quatre vingts liures. Et ceux qui ont escrit le siege de Rhodes, dient qu'en iceluy le

Turc auoit entr'autres pieces d'artillerie des canons qui tiroient des boulets de dix palmes de rondeur, dont ne s'en trouuoit de tels en lieu du monde : ce qui donnoit grande espouuante aux Rhodiots, mesmes leur son s'estendoit iusques à l'Isle de Chasteau-roux, cent mil loing de Rhodes.

Canonniere. Espece de tente de toile à deux masts sans murailles, pour reposer les canonniers & mettre à couuert les munitions d'une batterie en vn siege.

Caque. Κάδος en Grec, en Latin *cadus*, il y en a de plusieurs grandeurs, tant pour mettre salpestre que poudre à canon, lesquels sont couuerts d'autres qu'on nomme chappes.

Cartouches. Sont composées d'assez longues pieces de fer battu & deliées, se ferrās ensemble & s'estroisissans vers l'ouverture, laquelle est liée d'un menu cordage de la longueur des pieces d'artillerie, pour les retirer quand on veut. Dans lesquelles cartouches on met plusieurs morceaux & dez de fer dont on charge lesdites pieces, soit pour deffendre vn assaut en vne bresche, tirer contre l'ennemy

nemy en campagne, ou autrement. De ceste sorte les Turcs deuers Tripoli en Barbarie l'an mil cinq cēs quarāte trois avec deux galions, l'vn de Sinam Rais, & l'autre de Mausur Rais, qui auoient chargé en Alexandrie quelques marchandises pour armer trois galeotes de Barberouffe aux Gerbes, rencontrèrent certaines galeres de Malte, contre lesquelles ils lascherent des instruments appelez lanternes, equippolans à nos cartouches, estans dans leurs canons, & verfoient vn tas de ferremens, cailoux & grauiers sur les Maltois.

LE CVR. N'y en a-il que de fer?

L'AVT. Il y en a de toile, où on met de la poudre à canon pour charger plus promptement icelles pieces, ainsi que firent les Turcs aux sieges des places de Malte, chargeans leurs pieces à vne fois, avec vn sac contenant la mesure d'vne charge entiere.

Casque. On confond ce mot avec *heaume*, *morion*, *cabasset*, *armet*, & toute ceste garniture de teste. Or il deriue de *Kasda*, Hebreu, & *Kasida*, en Chaldée, a formé *casida*, en Latin au nominatif, & *casus*, en

mesme signification *galea*. Virgile en
l'vnziesme del'Eneide.

*Aureus ex humeris sonat arcus, & aurea vati,
Cassida.*

L'arc d'or luy sonne aux espaules qui l'orne,
D'or est l'armet.

Où Seruius dit que *cassida*, est vn accusa-
tif Grec, au lieu du nominatif, *cassis*. Mais
ce mot n'estant point Grec, il vaut
mieux estimer que c'est vrayement le
primitif Chaldaïque, *cassida*. Voyez
l'harmonie etymologique des langues
de feu maistre Estienne Guichart, Le-
cteur & Professeur és langues sainctes,
d'où i'ay tiré la pluspart des etymolo-
gies des mots de ce Dictionnaire.

chable. Qu'aucuns prononcent *cable*,
de *κᾶλος*, selon Henry Estienne, & de
l'Hebrieu, *heuel*, ou selon l'autre pro-
nonciation *chebel*, qui fait *chebalin*, au plu-
rier, il semble que de là soit deriué ce
mot *chable*. Les autres ont dit, que les
Grecs changeans la lettre *beth*, en μ ont
formé de *kebel*, *κᾶμιλος* pour la mesme
chose, quasi *κᾶβιλος* par vne mutation
facile.

LE CVR. Y a-il plusieurs sortes de *chable* s?

L'AVT. Ouy, de gros & longs pour tenir ponts à batteaux à passer riuieres, appelez autrement *mailles*, *hunes* ou *cinquenelles* : & d'autres pour mouffles & poullies à cheures de bois, seruans à enleuer pieces d'artillerie & autres pesans fardeaux, & autres pour nauires. Pierre Maffée en ses histoires des Indes liure septiesme, dit qu'il y a certains habitans és Isles Maldiuës, lesquels manquans de plusieurs choses necessaires à la vie, ont au lieu de cela la Palme. Le premier bien qui en procede est au fruiet mesme: Les Portugais l'ont nommé graine d'escarlante ou noix Indique, grande presque commela teste d'un homme, ayant double couuerture, dont l'exterieure est liffée au haut, & l'autre espoisse, ainsi qu'estouppes, & n'y a matiere plus souple & obeyssante pour les chables de nauires, à resister aux impetuositez de la mer que celle-là.

Chandelle de suif. On s'en sert ainsi que i'ay cy-deuant dit sur le mot, *bougie*.

Chappelle d'argent. Avec les ornemens d'Autel & Sacerdotaux seruans à celebrer le seruire diuin au quartier des Of-

ficiers de l'artillerie en vn siege & armée: Et pour ce il y a à la suite vn Prestre appellé Aumosnier de ladite artillerie, gagé par mois des deniers d'icelle, outre les gages ordinaires.

LE CVR. Nommez les especes de ladite Chappelle.

L'AVT. Vne Croix, vn Ciboire, vn Calice avec sa Platine, deux Chandeliers, deux Buirettes, vn Beneistier avec son goupilon, vne clochette, vne boëtte à mettre pain à chanter avec son couuercle seruant de Paix, & vn bassin: Le tout doré par les garnisons & dans vn estuy ou petit coffre doublé & fermant à clef.

LE CVR. Quels sont les ornemens d'Autel & Sacerdotaux?

L'AVT. Deux paremens d'Autel pour le haut & le bas, vn corporalier garny de son volet, vn oreiller: le tout de velours, deux rideaux de damas, vn voile de tafetas pour mettre sur le Calice, vn corporau, vne pierre sacrée, vn diurnal, vn Messel, nappes, voiles de corporalier, coëffes à mettre le Calice, petits mouchoirs à essuyer ledit Calice, seruiettes, deux amits, deux aubes, deux surplis,

deux ceintures: le tout de toile, vne chazuble de velours garnie de son estolle & fanon, vne autre chazuble de trippe de velours noir, aussi garnie de son estolle & fanon, vn corporalier noir avec son volet, & vn grand drap mortuaire de trippe de velours noir, garny de sa Croix de satin blanc. Les principales pieces sont enrichies des armoiries du Roy & de Monseigneur le grand Maistre del'artillerie.

LE CVR. N'y a-il qu'au quartier de l'artillerie où se pratique tel seruice?

L'AVT. Laisant à part le quartier de sa Majesté ou de son Lieutenant General, il n'y a pas iusques aux Regimens & autres gens de guerre François & estrangers qui n'ayent leurs Chappellains & Ministres, pour faire prieres & administrer les saincts Sacremens.

LE CVR. Cette coustume est vrayement digne & louable: mais d'où peut elle proceder?

L'AVT. Elle a esté pratiquée par les Empereurs & Capitaines Romains à leur mode, lesquels faisoient sacrifices tant à leur partement à la guerre, qu'a-

uant la bataille : comme il se void dans Herodian liure sixiesme chapitre IV. & Appian au liure de la guerre Punique. Et mesmes les chefs Lacedemoniens se preparans au combat, sacrifioient, ainsi qu'escrit Plutarque en la vie de Lycurgus. Mesmes l'histoistore tripartite tesmoigne que l'Empereur Constantin auoit tousiours vn tabernacle en son armée, où il se retiroit offrant à Dieu ces prieres.

Charbon. En Latin *carbo*. Il y en a de commun fait de bois, autre de terre es minieres pour les forges, & autre fait de faulx ou autre bois mol seruant à la composition de la poudre à canon, comme i'ay traité en mon Instruction & Arce-nal chap. VII.

LE CVR. D'où prouient ce charbon de terre?

L'AVT. Il y en a des minieres en certaines Prouinces, de mon pays d'Escoffe, à Namur, Haynaut & autres lieux en Flandre, & porte-on ce charbon aux villes, & le vend-on comme le bois : Les habitans en vsent ainsi qu'on fait ailleurs des charbons esteints, mais il ne se

consomme pas tant, on l'allume & apres on l'esteint & met en reserue pour le r'allumer vne autre fois.

LE CVR. Mais où il n'y a bois ny charbon de mesme, comment se sert-on de feu?

L'AVT. Nature y a pourueu d'autre remede. Au Royaume de Catay vers les Antipodes, il y a vne sorte de pierre en laquelle la mesme nature du charbon paroist: car aussi tost qu'on approche d'icelle vn charbon allumé, elle s'esprend & petit à petit deuient ardente, & rend de la clarté la nuit ainsi qu'un grand charbon allumé, eschauffant mesmes de son ardeur.

LE CVR. Dites moy d'autres proprietéz des charbons.

L'AVT. Celuy de Genevre clos sous la cendre, dure toute vne année.

LE CVR. C'est donc pourquoy Monsieur de Beze en fait mention en sa Paraphrase sur le quatriesme verset du Pseaume de Dauid, commençant, *Ad Dominum cum tribularer clamaui*, &c. qui est le 120. selon la version Hebrayque, & le 119. suiuant la commune.

L'AVT. Dites Theodore de Beze.

LE CVR. Soit: Il y a ainsi.

*Tes mots sont fleches acerées
D'une puissante main tirées:*

*Et tes propos envenimez,
Charbons de genevre allumez.*

L'AVT. Mais Philippes des Portes Ab-
bé de Thiron, a eu plus de grace, disant:

Tous vos coups, ô menteuses leures,

ce sont dards tirez puissamment,

ce sont des charbons de genevres

qui brulent fort & longuement.

LE CVR. Dans la version Latine il y a,
cum carbonibus desolatorijs, qu'entendez
vous par là?

L'AVT. Le docte Cardinal Bellarmin a
exposé le vray sens de ce quatriesme
verset: *Sagittæ potentis acutæ, cum carboni-
bus desolatorijs*, Ainsi, les paroles de Dieu
avec les exemples allumez du feu de
charité: & sur le mot *desolatorijs*, dit qu'en
l'Hebrieu y a, *rethamim*, que saint Hie-
rosme a bien tourné, *in niperorum*, de ge-
nevre. mais les septante ont expliqué la
metaphore, car les charbons de genevre
sont grandement solides, & partant tres
prompts à bruler & desoler. Autres
dient,

dient, charbons de desolation, parce qu'ils
brulent viuement & consomment effi-
cacement. Or c'est assez sur ce mot.

LE CVR. Recitez quelque chose du
charbon d'autre bois.

L'AVT. Celuy de bois bruslé ne se pour-
rit iamais, bien que ce soit vne chose fra-
gile. C'est pourquoy on en a mis autre-
fois aux fondemens des grands basti-
mens, non pas tant afin que la base en
fust plus ferme, que pour la durée: pour
ceste cause le Temple de Diane fut fon-
dé sur du charbon. De vray, il faut con-
iecturer qu'on y mesle de la chaux & au-
tres choses gluantes, d'autant que le
charbon dure dauantage lors qu'il y in-
teruient de l'humeur, & de cecy fut in-
uenteur l'excellent Architecte Ctesi-
phon. Or la force du charbon ne proce-
de pas de l'embrasemēt, ains de l'amor-
tissement, car il est bien plus fort estant
esteint que quand on le garde en son
entier, & il commence de prendre force
lors qu'on croit qu'il est mort. De tout
cecy, voyez Pline liure trente-sixiesme
chapitre XIV. Sainct Augustin liure
vingt-vniesme de la Cité de Dieu, cha-

pitre IV. & XXVIII. Strabon liure quatorzième : Isidore liure dix-septième chapitre VII. Abraham Ortel en la description d'Escoffe, & George Bruin en celle du Duché de Iuliers.

LE CVR. N'y a-il que de ces especes de charbons cy dessus?

L'AVT. Aristote au liure *de admir* chapitre CX. fait mention d'un charbon qui se faict aussi de certaines pierres qui se treuvent au pays des Scythes & Medes, lequel est contraire à la nature des charbons qui se font de bois, car si on les meut & qu'on les souffle, ils s'esteignent, au lieu qu'arrosées dans l'eau ils s'allument & rendent en bruslant vne couleur de bitume que les serpens fuyent.

Chargeoir. Le tout est ainsi appellé estant garny d'une lanterne de cuiure, hampe & deux bouëttes de bois aux bouts pour charger la poudre à canon de chacune piece d'artillerie.

Charette. A deux rouës ferrées avec ridelles hautes, pour mener tonneaux chargez d'oustils & autres munitions de ladite artillerie, & basses ridelles pour

mener boulets , Il y en a sans ridelles pour charger poudres à canon, & quaiſſons.

Chariot, ou Char. Carrus & currus en Latin, *καρρον* en Grec, en Chaldée *caron*, & en Hebrieu *carous*. Il y en a de forts sans ridelles, pour porter corps de canons & couleuerines, & autres avec ridelles pour porter picques & autres munitions.

LE CVR. Je me suis autrefois esmeruillé comme Catulle au liuret des nopces de Pelée & Thetis, ait appellé vn nauire, chariot.

L'AVT. Il ne s'en faut estonner, car auparavant Catulle, Eschyle & Euripide auteurs Grecs en ont vſé de meſme. Que direz vous donc de ce chariot à voiles du Prince Maurice, lequel chargé de vingt-huict personnes, à fait en deux heures quatorze lieuës de Hollande, le long du bord & plage de la mer, depuis Scheueringe iusques à Pettem.

LE CVR. On le peut bien donc appeller vn nauire sur terre?

L'AVT. Comme le nauire cy-deſſus, vn chariot sur mer.

LE CVR. Qui en a esté l'inventeur?

L'AVT. Le sieur Simon Steuin Hollandois.

LE CVR. Mais l'invention en est-elle moderne?

L'AVT. Non, d'autant que les Sinois, du Royaume que le vulgaire nomme aujourd'huy la Chine, ont certaines coches allans à voiles où la plaine des champs le permet, & ne sont les charniers moins adroits que les Nautonniers à manier le gouvernail, à recevoir les vents au diuers contournement des voiles qu'ils font avec le pied aduancé ou retiré comme besoin est. Lisez Maffée, au sixiesme liure de ses histoires des Indes.

LE CVR. O que Myrmecides se fit admirer par son industrieuse sagesse, quand il fit ce char tant renommé à quatre rouës que l'aile d'une moufche couuroit.

L'AVT. Plin le raconte, liure trente-cinquiesme chapitre X. Si cela est vray, c'est vne merueille en l'art.

Chartil. C'est le corps d'une charette, & dont on se sert pour mener rouës haut

le pied à pieces d'artillerie.

Chaussetrape. Est vn obstacle garny de quatre pointes de fer ou plus, desquelles il en demeure tousiours vne debout de quelque façon qu'on la iette, dont les anciens Romains vsoient contre leurs ennemis: De ce voyez Vegeceliure troisieme de son art militaire, chap. XXIV. Il y a vn beau passage touchant ces chaussetrapes dans Herodian liure quatrieme chapitre dernier, rapporté selon la version Latine, par Godescalc Stevveche en son Commentaire sur le chapitre susdit de Vegece.

LE CVR. Je vous prie de le mettre en Latin & puis en François.

L'AVT. *Romani quotiens pedem conferebant, facile scilicet aduersarios superabant, postea verò quàm ab equitatu & camelorum multitudine premebantur, fuga simulata, tribulos aliaque machinamenta ferrea acuminata proijciebant, quæ sub arenis latentia, neque cuiquam conspecta, perniciem equitibus & camelorum incessoribus adferebant, quippe illis calcatis equi, potissimum virò cameli (quoniam huic generi molissima sunt unguæ) succidue claudicabant, excussis tergo incessoribus. Tou-*

resfois & quantes que les Romains venoient aux mains, ils surmontoient facilement leurs ennemis, mais lors qu'ils estoient pressez par la caualerie & multitude des chameaux, feignans de fuyr, femoient des chaussetrappes & autres instrumens de fer pointus, lesquels cachez dans le sablon, ny perceus d'aucun, endommageoient les cheualiers & cheuaucheurs sur chameaux, de sorte que les cheuaux en estans empestrez, mais principalement les chameaux, (d'autant qu'à ce genre d'animal, les ongles sont tres mols) tousiours clochoient, & de douleur ruoient leurs cheualiers & monteurs par terre.

LE CVR. Or bien, exposez des exemples plus recens.

L'AVT. L'an mil cinq cens cinquante, ceux d'Africa, qui estoit l'ancienne *Afrodisium*, ville ainsi nommée, comme excellente sur les autres villes d'Afrique, assiegée par le Prince Dorie & l'armée Chrestienne, firent derriere la bresche des retranchemens bien profonds & bien flanquez, & couurirent le fonds de tables garnies de pointes de fer, avec

prouision de feux artificiels. Les Maltois l'année mil cinq cens soixante cinq, au fort saint Elme, ietterent aux lieux les plus perilleux de l'assaut, des tables semées de pointes de fer, les pointes en dessus, & des fers à cinq pointes dont l'vne tendoit tousiours en dessus.

LE CVR. Ces chaussetrappes ou pointes de fer ne peuuent-elles seruir que sur terre?

L'AVT. Par tout où elles peuuent estre iettées & posées. Le grand Maistre de Rhodes d'Aubusson, l'an mil quatre cēs quatre vingts, fit ietter dans le fonds de l'eau de la mer, qui estoit basse & gueable vers le ravelin qui s'estendoit depuis la tour saint Pierre, iusques au bas du mandrache, quantité de tables semées de pointes de fer, afin que les Turcs ne peussent marcher dans l'eau sans s'offencer.

LE CVR. Tout cecy me contente, mais ie ne sçay pourquoy Herodian appelle les chaussetrappes *tribulos*, veu qu'en plusieurs Autheurs elles sont appellées *murices*, & mesmes que chaussetrappe est vne espece de chardon appellé *tribulus*,

de *τριβολος*, lesquels chardons, & les feuilles d'un certain arbre appellé *Teda*, & descrit par Plin liure seiziesme chapitre X. de son histoire naturelle, sont fort pointus & piquans.

L'AVT. Ce nom *murices*, estant interpreté en Grec *tribolos*, soit par la conformité du nom de ce chardon, ou de la chose, cela suffit.

Cheure de bois. Engin lequel suiuant l'ancienne composition estoit de trois longues pieces de bois debout, iointes & assemblées au haut, s'eslargissans par bas en triangle: & sert ledit engin à leuer sur tours & lieux de difficile accez, pierres & autres gros fardeaux, & mesmes pieces d'artillerie.

LE CVR. Donnez moy à entendre les noms de chacune piece de cest engin.

L'AVT. Les aumaires, auches ou boites dans lesquelles entrent les deux bouts du moulinet sont appellées *chelonis*, pour ce qu'elles sont faites à la façon & semblance d'une tortuë, & ledit moulinet trauersé de barres ou leuiers, & autour duquel le chable s'entortille quand on le tourne, est autrement appellé *fuzée*,

en Latin *fulcra*, qui signifie Truyette, pour ce qu'il est plus gros par le milieu que par les extrémités, comme l'on void que sont ordinairement les truyes: la moufle est appelée *troclea*, ou *recharmus*: les poulies, *orbiculi*: les goujons ou chevilles qui trauesent leldites poulies, *axiculi*: le chable, *funis ductarius*, c'est à dire corde, conductrice de toute la besongne: les leuiers ou barres du moulinet, *vectes*: la louue de fer dont les dents entrent dedans les creufures des pierres faites en biseau, *forfices ferrei*: la cheuille qui ioinct & serre les trois pieces de bois par le bout d'en haut, *fibula*.

LE CVR. Maintenant pour enleuer vne piece d'artillerie de son affust, & l'y remettre, est-il besoin de ce grand engin?

L'AVT. Non, il y a vne chevre mediocre, composée de trois pieces de bois, moulinet, deux leuiers, boulon, escharpe de fer avec son cordage, chable & deux poulies de cuiure, qu'on mene mesmes à la suite & train de l'artillerie. Je ne sçay si anciennement le nom de martinet n'a pas esté nommé pour cest engin, ou verin, ou cricq: car au liure dix-

50

jesme de l'Ordre des Cheualiers Rhodiens, volume deuxiesme, est dit que le Cheualier Grammont l'an mil cinq cens soixante sept, amena à Malte cinquante canonniers qui apporterent les martinets, engins propres à monter & démonter promptement les canons.

Cheuilles. Il y en a de fer pour tenir en estat les bandes des affusts des pieces d'artillerie, autres pour les lymons, & d'une autre sorte pour les liens, sus & sous bandes, aux rouës des trois premieres especes desdites pieces.

LE CVR. Et pour les pauillons & tentes?

L'AVT. Elles sont de bois, pour les camper en vn siege & armée.

Chirurgie. Au train & suite de l'artillerie, on a de coustume faire mener plusieurs drogues, medicamens & vstancilles de Chirurgie, pour penser les Officiers de ladite artillerie blesez en vne armée ou siege. Voyez ce que i'ay dit cydeuant sur le mot, *Apoticaierie.*

Cizeaux. Outils à fondeurs aussi appelez burins, à charpentiers charrons & armuriers, dont y en a de plusieurs sortes,

comme à esquignon, à bizeau & à fermer.

Clauettes de fer avec leurs chevilles & chaînettes. Pour serrer & tenir en estat les lymons avec l'affust lors de la conduite. Semble que le mot vient de *clavis*, clef, d'autant que lesdites clauettes ferment & ouurent lesdits lymons en entrant & sortant dedans les morttoises d'iceux.

Cloud. *Clavus* en Latin, & est dit ainsi, quòd *claudat figat atque contineat*, de ce qu'il clost, attache & tient ferme. Il y en a de plusieurs sortes, comme à rouës de pieces d'artillerie, chariots & charettes, à hapes, grands clouds à planche, & cloud broquette.

Coignee. Les plus grandes sont oustils à charpentiers & charons : des petites, ils s'en seruent aussi, comme les pionniers à couper arbrisleaux & fassines

LE CVR. Ce sont bien oustils de fer acerez, mais où il n'y a point de fer de quoy se sert-on.

L'AVT. La nature y supplée ainsi qu'en autres choses. Or si nous croyons Ant. Pigaffette, & Pierre Martyr en son nouveau Monde, Decade premiere, chapi-

tre I. Il y a aux terres Neufues, des pierres si dures & tranchantes qu'on en fait des coignées, glaiues & semblables instrumens comme nous faisons de fer. La region Versine au Bresil, & l'Isle Espagnole les porte, ensemble Darien & autres lieux des Indes.

Coing. De *conus*, *κωνος*, qui est le couper d'un heaume & ce qui se vient amoindrissant ou de *cuneus*, qui signifie aussi par translation, ordonnance de gens de pied, estroite de front & s'esslargissant par derriere: tellement que par ces comparaisons, *coing*, peut estre deriué de l'un de ces deux mots, estant estroict d'un bout & large de l'autre. Il y en a de fer qui sont gros, dont vsent les sappeurs & mineurs, pour fendre & rompre rocs & murailles, & d'autres de bois qu'on met dessous les cullasses des pieces d'artillerie montées sur leurs affusts & rouës.

combleau. Gros cordage qu'on met à l'entour de la volée d'un canon, couleuerine & battarde, (de grosseur & longueur neantmoins differente selon les pieces) pour seruir aux crochets de retraite des affusts, à aduancer ou reculer

à force d'hommes & de cheuaux lesdites pieces en chemin fascheux & difficile. Pour les longueurs & grotteurs de chacun combleau, recours en mon Instruction, chapitre VI. & pour leurs poids, en mes Recherches, chapitre XXI.

Compas Les fondeurs vsent de compas de fer, croche pour prendre les grosseurs des moules des pieces d'artillerie. Les charpentiers & autres artisans se seruent aussi de compas de fer, instrument assez commun. Les tonnellers ont des compas de bois à escrouë & viz.

Coquille de cuiure. Les deux font vn moule pour fondre boulets à pieces d'artillerie, & sont enthenaillez de fer.

Cordage & corde. Moyen & menu tant pour faire maistres & tirans aux pavillons & tentes & autres de ce genre, que pour lier & garotter chargeoirs, escouillons, leuiers & autre equipage d'artillerie.

LE CVR. Ce cordage est de chanve?

L'AVT. Ouy bien vers nous, mais en Affrique, non loin de l'Isle saint Laurens, vers l'emboucheure de Zaquebar,

on vſe de cordes qui ſont d'eſcorce de noix, pour attacher les aiz & tables des nauires, au lieu de clouds de fer. Il y a vn arbre en *Temistitam*, premiere ville deſterres Neuues, appellé *Magueis*, dont ſon eſcorce ſert entr'autres choſes à tiſtre, & principalement à faire des cordes. Aupres de Calicut, il y a vn autre arbre appellé *Coco*, du tronc duquel auſſi entr'autres choſes on fait des cordes: meſmes les cordages des carauelles des Portugais ſont d'eſcorce de bois. Aux parties Septentrionales il y a certains nauires qui ſe portent, où il n'y a pas vn morceau de fer, & dont les cordes ſont faites des nerfs d'vn animal à quatre pieds nommé *Rangifere*.

LE CVR. I'ay leu dans *Vegece* le chapitre IX. du quatriefme liure de l'art militaire, commençant : *Nervorum copiam ſummo ſtudio expedit colligi, &c.* Mais ie deſirerois qu'il fuſt expliqué en François.

L'AVT. L'explication ſera donc ainſi: D'autant que les Balistes & autres torments ne profitent de rien s'ils ne ſont tendus de cordes nerueuſes, ou de nerfs: Toutesſois on dit les poils des crains &

queuës des cheuaux estre necessaires
 aux Balistes : mais il est sans doute les
 cheueux des femmes, en ces machines
 n'auoir moindre vertu, comme a esté
 apparu par l'experience de la necessité
 Romaine: car en l'oppugnation du Ca-
 pitole, les machines gastées par conti-
 nuel & lōg traual, lors que l'abondance
 des nerfs deffailit, les matrones & fem-
 mes offrirent à leurs maris combattans,
 leurs cheueux coupeez, si que lescrites
 machines reparées & remises en estat,
 ils ont repoussé la fureur des aduersai-
 res : car ces tres-pudiques femmes ont
 mieux aymé avec la teste deffigurée
 pour quelque temps, viure librement
 avec leurs maris, que de seruir aux enne-
 mis par vne entiere bien-seance. A tant
 mon Vegece. Outre luy sont tesmoings
 Florus liure deuxiesme, chapitre XV.
 Capitolin, *in Maximinis*. Vitruue liure
 dixiesme de l'Architecture, chapitre
 XVII. Dion en Seuer. Cesar liure troi-
 siesme de la guerre ciuile. Appiam des
 guerres Puniquees, & autres.

LE CVR. O que ce bien-fait meritoit
 vne grande loüange & honneur.

L'AVT. Pour ceste occasion, la Republique octroya à ces vertueules femmes, qu'à Rome seroit vn Temple consacré à Venus la Chauue, ainsi que dient Firmian liure deuxiesme contre les Gentils. & ledit Capitolin lieu suldit.

LE CVR. Voila qui est bien allegué, mais pour refrain ie desirerois sçauoir que veut dire ce vieil quatrain :

*Quand vn cordier cordant veut accorder sa
corde,*

Pour sa corde accorder trois cordons y accorde:

Mais si l'vn des cordons de la corde descorde,

Le cordon descordant fait descorder la corde.

L'AVT. C'est à dire, qui ne sçait son mestier, l'apprenne.

corselets. Il y en a de blancs grauez pour caualiers, & autres plains pour piquiers. On dit que Philippe pere de Perseus en auoit trente mil en son Arcenal.

Couleurine. Aucuns escriuent couleurine, secõde espece d'artillerie du calibre de France. Iuste Lipsie liure troisieme de ses machines, Dialogisme troisieme l'appelle *Colubrinam*, l'ayant prips de Ioue. Pierre Martyr en son nouveau Monde, Decade septiesme, chap. VII. la
nomme

nomme ainsi, comme fait Surius en son Commentaire ou histoires de l'année mil cinq cens vingt quatre, parlant d'une couleurine d'argent que Fernand Cortés enuoya à l'Empereur Charles le Quint, par Diego de Soto, laquelle fut estimée valoir cinquante mil ducats. Ledit Pierre Martyr fait mention de deux couleurines, de cede huitiesme chapitres IX. & X. lesquelles estoient presque d'or, & enuoyées en deux voyages audit Empereur, tant de la part dudit Cortés, que des Indiens, en l'année mil cinq cens vingt cinq. Paradin luy donne vn autre nom, liure quatriesme des histoires de son temps, au traicté du siege de Landrecy, en l'an mil cinq cens quarante deux. *Landa aeneum tormentum miræ longitudinis (colubrum vocant) ex medijs castris hostium rapiens, in urbem auexit.* Le Capitaine la Lande enleuant au milieu & à trauers du guet des ennemis, vne piece d'artillerie de merueilleuse longueur (qu'on nomme couleurine) l'a fit charroyer & emmener dans la ville.

Coulombe, ou colombe. Engin se posant sur quatre pieds en terre, au milieu du-

quel il y a vn fer large aigu dont les tonnelliers vsent à rabotter les douues des tonneaux & caques.

Couuertes de coustil. Pour couvrir tentes & pauillons, dessus chariots & charrettes.

Crampon de fer. Du Grec κέρμνω, *curuo*, *curuare*, courber, en Hebrieu *capap*. Pour raison de quoy crampes est deriué, & crampon par similitude. On en met dans les moyeux des rouës à canon, couleurine & battarde pour tenir en estat les emboittures de cuiure y estans.

Crochet de retraicte. De *cac*, Hebrieu, *κίκος*, premierement pourroit auoir este proferé, & que puis apres inserant vn *p*, fut fait *κεικος*, tout ce qui est crochu: & ainsi de ce mot Grec, *croc*, crochet fut retenu en François. De ces crochets de retraicte, il y en a deux à chacun affust de canon, couleurine & battarde, tenus par le premier boulon, pour seruir ainsi qu'il est dit cy-deuant, sous le nom de *combleau*.

Cuirasse. Armure pour caualier, mot confondu quelquefois avec celuy de corselet, anciennement, *Thorax coriaceus*,

pour ce qu'on les faisoit de cuir. Abraham apres auoir esté victorieux de cinq Roys, s'acheminant vers Melchisedech Roy de Salem & grand Prestre, estoit couuert d'un habillement de cuir bouilly, doré & enrichy de diuerses figures, avec ses brassarts, cuissots & iambieres. Duquel genre d'habillement est venu le nom de nos cuirasses de fer.

LE CVR. Dans Pline, il y a vne autre sorte de cuirasse, dont il ne me souuient.

L'AVT. C'est au liure neufiesme chapitre XXXV. où il dit : Iule Cesar n'a point dissimulé que sa cuirasse de perles qu'il dedia à la mere Venus en son Temple, estoit faite de perles princes en la mer d'Angleterre.

LE CVR. Il les faudroit donc appeller ferraces & perleaces?

L'AVT. Nous n'y pouuons rien innouer, puis que les mots ne sont vsitez : car souuent la matiere & forme des choses changées, ne perdent leur premier nom.

Cuiure. Espece de metal dont on fond les pieces d'artillerie, emboitures, petards, bouëttes à faire salves, poulies &

autres ouvrages de fondeur. Pour en
 ſçauoir dauantage, ie renuoye le Lecteur
 en mon Arcenal, chapitre III. & en mes
 Recherches, chapitre II.

LE CUIRE. Et bien que le cuiure ait eſté
 en plus vil prix que l'or & l'argent, ne-
 antmoins il les a accompagnez ou pour
 leur conſeruation ou pour decoration.

L'AVT. Les murailles du Temple de
 Serapis eſtoient premierement couuer-
 res de lames d'or, ſur icelles il y en auoit
 d'autres d'argent, & ſur celles cy d'au-
 tres de cuiure, ainſi que Rufin en fait
 mention au liure vnzieſme de ſes hſtoi-
 res chapitre XXIII. Au milieu d'une des
 portes eſtans au portique par le dehors
 de l'Egliſe ſainct Marc de Veniſe, ſe-
 voyent quatre cheuaux de cuiure doré
 ſuperbement faiçts, ayant chacun vn
 pied leué en l'air, comme ſ'ils vouloient
 marcher. Ils furent apportez de Con-
 ſtantinople, apres que les Venitiens l'e-
 rent conquiſe, & eſtoient auparauant à
 Rome ſur l'arc triomphal de Titus &
 Vaſpaſien: mais l'Empereur Conſtans
 les transporta (comme la pluſpart des
 autres ouvrages antiques & ſtatuës) en

ladite ville de Constantinople, pour orner & embellir icelle des despouilles de l'ancienne Rome.

LE CVR. I'ay ouy dire qu'il y a certain pays où on seme le cuiure?

L'AVT. Si nous croyons Aristote, liure *admir.* chapitre XLI. ou Theophraste qu'aucuns tiennent auoir composé ce liure. En Cypre, pres de Tyrrie, il y a du cuiure qu'on coupe en petits morceaux qu'on seme, & qui croist puis apres, lors que les pluyes y ont tombé dessus, & qu'on recueille. Si cela est, on estime que c'est vn miracle de la nature.

LE CVR. Où se recouure le cuiure commun?

L'AVT. Il y en a des mines principalement en Angleterre, au Liege, au pays d'Alsace, en Allemagne 'en la Comté de Tirol, en la haute Allemagne, en Boheme: & le meilleur en Hongrie, où il y a mesmes des eaux propres pour conuertir le fer en cuiure, ainsi que dit Surius en son commentaire de l'an mil cinq cens quarante vn,

D

Desbouchoir ou *perier de fer*. Ayant vn long manche de bois, & sert à desboucher le tampon du fourneau pour couler le cuiure entre les chappes & noyaux des pieces d'artillerie.

Dex de fer. Ce sont morceaux carrez, ou autres dont on emplist les cartouches de fer, cy deuant mentionnées en la lettre C.

Doloire, En Latin *dolabra*, oustil à tonnellier, presque en façon de grande congnee à Charron.

E

Elezoir de fer. Garny d'vne bouëtte de cuiure & cousteaux d'acier, qu'vn cheual tourne pour elezer & vnir le dedans des pieces d'artillerie, apres qu'elles sont fonduës & rauaudées.

Emboittures. Il y en a de cuiure, lesquel

les se mettent dans les deux bouts des moyeux des rouës de canon, couleurine & battarde, dont en faut quatre à chacune paire de rouës, assavoir, deux du gros bout vers l'affust, & les deux autres au menu bout de chacun moyeu. On en fait de fer pour chariots & charettes.

Emmeublement. C'est la coustume en vn siege ou armée, d'enuoyer ledit emmeublement, consistant en batterie & vstanciles de cuisine, estaingnerie, lingerie, malleterie & meubles de chambre, pour la maison de Monseigneur le Grand Maistre, ou son Lieutenant, & principaux Officiers de l'artillerie.

Enclume. Outil de fer à forgeurs, fondeurs, pour leurs forges, & à armuriers, mais les vnes plus grosses que les autres.

Entretoises. Elles sont quatre de bois de chesne, pour assembler les deux flasques de chacun affust à pieces d'artillerie.

Eraim, Nehas, en Chaldée, est exposé *es, chalybs*, dont obmettant la premiere de ces radicales, de *as, es*, fut formé en Latin retenant les lettres & la signification du mot Hebrieu : & encor plus euidement és adjectifs, quand des trois radi-

cales transposées en *henas*, *ænus*, *æneus*, *abeneus*, ont esté formez, pour signifier autant que *æreus*, *quod est ex ære*. Car il est vray semblable que de *æs*, *ænis* deuoit estre dit au lieu de *æris*, mais *s*, a esté conuertty en *r* selon la coustume. De *æs*, *æris*, *erain*, a esté fait en François, *erts* en Alleman. De laquelle interpretation, lisez l'harmonie etymologique des langues de feu Maistre Estienne Guichart, vivant Lecteur & Professeur és langues sainctes, sous la lettre *nun*, d'où i'ay extrait partie des etymologies de ce mien Dictionnaire, ainsi que i'ay dit cy deuant.

LE CVR. Les antiens Payens se sont grandement fait paroistre par le moyen de ce metal.

L'AVT. Entre les Colosses, celuy d'erain de Rhodes est nommé vn des sept anciens miracles ou merueilles du monde. Strabon en a escrit & la hauteur & la ruine: Isidore, & Platine de mesme, mais Pline mieux que pas vn: Voicy les termes dont il vse, liure trente-quatriesme, chapitre VII. selon la version Françoise. Il n'y eut onc Colosse ny statuë Gigantine qui approchast à celle du Soleil, que

que Charez Lydien, iadis apprentif de Lyfippus, fit à Rhodes: car elle auoit 70. coudées de haut: auffi ne demeura-elle que 56. ans debout, & tōba par vn tremblement de terre, & neantmoins eftant eftēduë, elle sembloit encore prodigieufe & miraculeufe: car en premier lieu il y a peu d'hommes qui ayent la brasse assez longue pour pouuoir embrasser son poulce: auffi ses doigts font plus grands que beaucoup de statuës qu'on void. Des endroits où ceste statuë est rompuë, on diroit que ce font caernes garnies de grosses & démesurées pierres, que le maistre qui l'auoit faite y auoit mises pour la tenir droite & ferme: auffi dit-on qu'on demeura douze ans à la faire, & qu'elle cousta trois cens talens de façon, (reuenans à neuf vingts mil escus.) Or il faut admirer la folie des Rhodiens, qui firent dresser cette grande statuë pour chasser la peste qui infectoit lors leur ville, mettans leur espérance en vn simulacre qui ne pouuoit subsister ny par soy-mesme, ny par toute l'industrie des hommes, & qui puis apres gisoit à terre foulé de tous, & en fin fut

vendu & diuisé & en plusieurs parts. Zonare en la vie de Constans, raconte qu'un Iuif l'achepta, dont il en chargea grand nombre de chameaux.

LE CVR. J'ay autrefois leu dans Eusebe de Cesarée, liure neuuiesme de la preparation Euangelique, chapitre II. & IV. que les planchers & thuelles du Temple de Hierusalem estoient d'erain dorées, & y auoit deux colonnes aussi d'erain esgales en hauteur, contenans dix coudées de circuit, dorées de l'espoiffeur d'un doigt, l'une à dextre & l'autre à fenestre. En outre on y voyoit vne voûte du costé de Septentrion soustenuë de quarante huit colonnes d'erain, ensemble vne grande cuue où on lauoit les sacrifices, ayant vingt coudées de haut & autant de large. Strabon liure seiziesme, adjouste que la porte de ce Temple, du costé del'Orient, estoit pareillement d'erain & si forte & pesante, qu'à grand' peine vingt hommes la pouuoient fermer & ouuir.

L'AVT. Le souuerain Roy de la Chine, habite dans vn Palais contenant septante neuf sales d'une telle grandeur,

qu'il faut employer tout le iour pour en faire le chemin: Il y en a quatre principales, dont l'une est toute compolée bas & haut d'erain, & les trois autres d'argent, or & esmail, perles & pierres precieuses.

LE CVR. Comme i'ay dit, ce metail à beaucoup paru entre les anciens.

L'AVT. Outre ce que dessus les couuerture & plancher du Pantheon estoient d'erain, selon Plin liure trente-quatriesme de son histoire naturelle, chapitre III.

LE CVR. Que veut dire Pantheon?

L'AVT. C'estoit vn Temple à Rome, ainsi dit, suiuant le rapport de Dion l'Historien, de ce qu'aux figures & images de Mars & Venus posées sous ce Temple, les images de tous les Dieux y estoient comme représentées: ou bien qu'estant en rond & à la forme du Ciel, il auroit esté reputé la demeure de tous les Dieux. Au surplus Marc Agrippa le fit faire, & tous les chapiteaux d'erain de Sarragosse de Sicile, qu'il dedia à Iupiter Vengeur, à l'honneur d'Auguste.

LE CVR. Mais on ne fait plus mention

de ce Pantheon à Rome.

L'AVT. C'est à present le Temple de
nostre Dame la Rotonde. Considerez
aussi ce cheual d'erain doré du rustica
Rome, & le Colisée qui y estoit couuert
d'vn ciel d'erain doré.

LE CVR. Vous m'avez autrefois recité
quelques vers de la genice d'erain de
Myron, excellent statuaire.

L'AVT. Elle est feinte, parler suiuant la
traduction de quelques Epigrammes
Grecs, aux gayetez de Ronlard, dont
i'ay choisi entre plusieurs quatrains,
deux que i'ay inferez dans mon recueil,
des figures poëtiques Françoises, en cel-
le appellée Profopopée.

LE CVR. De grace que ie l'entende par-
ler.

L'AVT. *Pourquoy, Myron, m'as tu fait stable
Sur ce pilier? Ne veux-tu pas
Me descendre & mener là bas
Avec les autres en l'estable?*

*Si vn veau m'auiſe, il criera:
Si vn toreau il m'aimera:
Et si c'est vn pasteur champeſtre
Aux champs me voudra mener paistre.*

LE CVR. Du Bartas au sixiesme iour de sa premiere Sepmaine, l'appelle iument d'erain.

L'AVT. Prenez-le comme vous voudrez, toutefois son commentateur dit iument ou vache, & rapporte vn autre quatrain du mesme Ronfard.

*Vn Tan, en voyant la figure
De ceste vache, fut moqué:
Je n'ay iamais, dit il, piqué
Vache qui eust la peau si dure.*

Que direz vous d'une teste d'erain, qu'un nommé Albert forgea, laquelle formoit les paroles articulées, comme s'il y eut vne ame viuante absconse dedans.

Esbauchoir. Outil à charpentiers & charrons.

Escharpe de fer. Garnie de poulies & cordage, pour descendre les chappes & noyaux dans la fosse, monter les pieces fonduës, & encores à l'elezoir.

Eschelle. En Latin *scala*, il y en a de bois, & de corde, dont les anciens vsoient, comme on peut faire à present pour escallader murs & murailles: Et neantmoins en l'armée du Sultan de Babylo-

ne qui s'estoit ligué avec le Pape Gregoire IX. ayant esté surmonté & vaincu par le Tartare son ennemy, entr'autres despouilles & grandes richesses, il y auoit des eschelles toutes d'or & d'argent.

Escopette. Voyez cy-deuant au mot *arquebuzze*, en la lettre A.

Escouppe En faç on de pelle, mais creuse seruant à espuiser l'eau dans les tranchées, & és batteaux à faire ponts sur riuieres.

Escouillon. Consiste en vne hampe, deux bouëttes de bois, & d'un morceau de peau de mouton avec la laine à l'entour de l'une desdites bouëttes pour nettoyer le dedans des pieces d'artillerie auant & apres leur tirer.

Espieu. En Latin *spiculum*, en Alleman *spieß*. Les anciens l'ont nommé *laueline*, de cinq pieds & demy de long, estant le fer fait à trois quarres pesant trois quartiers de liure.

Esquerre, ou *esquiere*. Vne espeece de ferrure d'affust, laquelle se met derriere les heurtoirs des affusts à canon, couleu rine & battarde, tellement qu'à chacun

d'iceux en faut deux, & sont attachées avec petites chevilles. Il y a aussi deux autres esquerres de fer dessus la gouttiere ou platine du bout d'affust. Et est ainsi nommée pour estre de la façon d'une esquerre de masson ou charpentier, dont y en a de fer & de bois, seruans à leurs mestiers.

Essette. Outil seruant à charrons, menuisiers & tonnellers.

Essieu. *Axis* en Latin, l'Alleman dit *ext.* Ceux des pieces d'artillerie, chariots & charettes sont de bois d'orme, dont on en meine haut le pied aux armées, combien qu'il y ait des chariots & charettes aucunes fois garnis d'essieux de fer.

Estaim. En Latin *stannum*, espece de metal seruant à plusieurs choses au fait de ladite artillerie. Voyez ce que i'en ay dit en mes Recherches, chpitre II. Au surplus selon Isidore, liure seiziesme, chapitre XXII. c'est le patron & tuteur de l'or, argent & erain: car par ce que ces metaux sont foibles & facilement bruslez par le feu, on y employe la tutelle de de l'estaim, afin qu'ils ne se bruslent: De là vient l'usage d'estaimmer au dedans

les marmittes & autres vstancilles de cuisine, pour rendre plus sauoureuse & nettelà viande, comme aussi il conserue du feu les mesmes vstancilles: En outre l'estaim disjoint & separe au feu les metaux meslez & falsifiez. Au surplus, l'estaim est appellé plomb blanc, & le noir retient le vray nom de plomb, car ce mot est comme le genre de ces deux especes, blanc & noir.

Estampe de fer. Il faut prononcer l's. Outil à fondeurs, dont y en a de carrées & demy-rondes: & à forgeurs pour percer bandages.

Estau. Outil de fer ou de bois assez commun avec viz, dont vsent plusieurs artisans.

F

Falot. Ou selon aucun, *phalot*, ou *phanot*, en Latin *fax*, en Grec φαλός, de *feled*, Hebrieu, signifiant lampe ou torche, et peut estre par similitude, φαλός, *splendidus*, *lucidus*, splendide & clair, pour ce qu'il sert à
esclairer,

esclairer, & est comme vne grande lanterne de fer blanc & corne, ayant vn long manche de bois, avec deux fourchons de fer, pour ce appellée fourchette seruant à porter çà & là flambeaux de cire ou grosse chandelle, en vne armée & siege.

Faulcon. *Falco*, en Latin, cinquiesme espece d'artillerie du calibre de France, que les Allemans nomment *Falckenetlin*.

LE CVR. Je m'esbahis pourquoy on attribuë aux pieces d'artillerie certains noms d'animaux, mesmes mortiferes & venimeux de leur nature?

L'AVT. D'autant qu'oultre que ladite artillerie de son commencement estoit espouventable, les Autheurs d'icelle pour la difference de chacune espece, ont donné tel nom qu'il leur a pleu, comme de *basilic*, iacoit qu'on n'en vse maintenant, *couleurine*, *faulcon*, & *faulconneau*. Encores en certains lieux, principalement aux havres & ports de mer, il y a telles pieces qu'on nomme *sacres*, *aspics*, *serpentes*, & d'autres appellations. Mesmes plusieurs artisans ont retiré des

mots de leur propre giste, & donné vo. & valeur par des significations estrangeres, comme *bec-d'asne*, *picq*, *sergent*, *bec de corbin*, *gruë*, *chevre*, &c.

Faulconneau. *Falconellus*, en Latin, sixiesme & derniere espece d'artillerie du calibre de France. Les Allemans l'appellent *falckenetle*.

Fer. Espece de metal assez connu, dont y en a de carré & plat. Voyez le II. chapitre de mes Recherches. *Ferrum* en Latin: mais *rephaim*, mot Hebrieu, estant exposé par aucuns *metalla*, on pourroit presumer que de ces radicales *rapha*, aussi Hebrieu, transposées en *fara*, *ferrum* auroit esté deriué.

LE CVR. Où se trouue principalement le fer?

L'AVT. Ses minieres sont és Pays de Haynaut, Namur, Liege, d'Alsace en Allemagne & Suede: voire tout le costé Septentrional d'Espagne, comprenant depuis Fontarabie, frontiere de France, iusques au cap de *finibus terra*, le pays de Guipuscoa, Biscaye, les deux Asturies & Galice, est si abondant de mines de fer & de forges, qu'il en pourroit fournir

tout le reste du monde.

LE CVR. Strabon & Leander racontent qu'en l'Isle des Palmes pres du riuage de Toscane, il y a vn fer qu'on ne scauroit cuire ny rediger en masses, lors qu'il est dans ceste isle?

L'AVT. Il est vray, & dient le mesme estre en l'Isle de Sardaigne, & au terroir de Pistoie, mais aussi tost qu'on l'a tiré de ces lieux là & porté ailleurs & en terre ferme, on le cuit facilement & sans grand' peine, il cede aux marteaux & se reduit en masses: En outre autant qu'on en tire de ladite isle de Sardaigne, autant y en renait, & semble qu'on n'y en a iamais prins, quelles fosses profondes qu'on y sçache faire, lesquelles avec le temps se remplissent.

LE CVR. Par ce moyen c'est vn metal de vil prix?

L'AVT. Ouy bien en Europe où il se fouyt & fait. Car en l'Indie on le prise plus que l'or. Anto. Pigaffette escrit que ioignant l'isle Zabur, quatorze liures de fer furent changées avec deux cens cinquante liures d'or.

LE CVR. Toutesfois de ce vil metal on a

fais des choses exquisés?

L'AVT. Marcus Sergius apres auoir perdu la main droicte, a combattu quatre fois de la seule main gauche, de laquelle ne se pouuant plus ayder, il se fit faire vne main de fer, & l'ayant entée a combattu leuant le siege deuant Cremonne, a deffendu Plaisance & prins douze places en la Gaule. Lisez Boaystuaue en son theatre du Monde. Et ceste mousche de fer (dont l'inuention a esté attribuée à Iean de Mont-royal) qui se vint mettre sur le bras de l'Empereur Charles le Quint, de laquelle du Bartas fait mention au sixiesme iour de sa premiere Sepmaine.

*Vne mouche de fer dans sa main recelee
Prit sans ayde d'autruy sa gaillarde volee,
Fit vne entiere ronde, & puis d'un cerceau las,
Comme ayant iugement se percha sur son bras.*

LE CVR. Pourquoi l'Aymant attire le fer & se ioinct à luy, & le fer court à l'Aymant.

L'AVT. Cela prouient de la propriété de leur forme, qui est comme leur ame créée & faite par la volonté de Dieu, & d'une influence celeste de quelque astre

special à nous incogneu, non en autre façon que toutes autres vertus des pierres & des plantes.

LE CVR. Mais d'où vient que le fer frotté d'Aymant, se tourne tousiours vers le Septentrion ?

L'AVT. Il est à croire que cest astre principale cause de la propriété qui est au fer par le moyen de l'Aymant, est situé du costé Septentrional, dit le Nord. Cela se faisant à la façon que l'herbe appelée *heliotropium*, est estimée se tourner tousiours du costé du Soleil, encores que le temps soit couuert. Plin liure deuxiesme chapitre XLI.

Fermoir. Oustil à charpentiers & charrons

Fers de piques. Il n'y gist autre intelligence, sinon qu'on en fait prouision pour s'en seruir au besoin.

LE CVR. Les Indiens n'vsent point de fers en leurs armes ?

L'AVT. Au lieu de ce, elles sont garnies de quelques pointes d'un bois fort dur, ou d'un os de quelque beste, ou d'une espine de poisson.

Festiaire, ou festiere. Est vne piece de

bois estant au haut de chacune tente, dedans laquelle festiere entrent les masts.

LE CVR. D'où viendrait bien le mot?

L'AVT. Il semble qu'il ait prins sa denomination d'une thuille creule & à demy-ronde, qui se met au feste & sommet d'un edifice, pour ce appellée festiaire, & en Latin *tegula fastigiaria*, mais ostant la sillabe *gi*, demeurera *fastiaria*.

Feuilles de fer blanc & noir. Elles seruent à mettre dessus les iointures des quaisons pour les garantir de la pluye: & au lieu de ce, on y met de la toille cirée.

LE CVR. Ne s'en peut-on seruir à autre chose?

L'AVT. Non pour le present, bien qu'anciennement on en faisoit des lanternes à charger pieces d'artillerie: mais pour estre la matiere trop foible & de peu de durée, celles de cuiure ou laitton battu ont prins lieu.

Feux artificiels. Ce sont trompes, pots, cercles, langues, piques & lances, composez de fouldre, salpestre, poudre à canon, huilles de lin, petrolle & terebentine, poix raisine, camphre, chaux viue,

fel armoniac, vif argent & telles matieres seiches & brullantes facilement, multiplians le feu par quelque propre & interieure nature.

LE CVR. Il y a des stratagemes & inventions de tels feux artificiels dans Herodian, liure huitiesme, chapitre III.

L'AVT. Iove liure douziesme de ses histoires, dit que Renze de Ceri, chef des Venitiens à Creme, voulant dresser vne camifade, s'alla ietter sur Syluie Sauelle, Lieutenant du Duc de Milan, & l'assailit en son camp avec feux artificiels, trompes & pots de terre: ce qui estonna tellement les Sforfesques qui tenoient ledit Ceri assiegé, qu'ils se mirent en fuite, plusieurs desquels il occit & en mena grand nombre de prisonniers en la ville. Il y a d'autres exemples en mon Instruction, chapitre XII. où ie renuoye le Lecteur pour euiter prolixité.

LE CVR. Mais que dites vous du feu gregeois?

L'AVT. C'est vne certaine confection & bouillement de charbon, faulx, salpestre, eau de vie, soulfhre, poix, encens, fil de laine molle d'Ethiopie & cāphre.

LE CVR. I'ay ouy dire que ses effects
sont admirables?

L'AVT. Il y en a d'une sorte qui s'allu-
me dans l'eau, que l'huile esteint. On en
fait vn autre qui iamais ne se peut estein-
dre: Il s'attache si bien aux choses qu'on
ne l'en scauroit oster, il brusle l'erain,
les pierres, murailles & mesme le fer: il
rend vn bruit comparable au tonnerre,
il renuerse les maisons de fonds en com-
ble, il met sans dessus dessous les rochers
& les villes pareillement. On dit Qu'A-
mulius Romain, celuy qui voulut imiter
le tonnerre, en fut le premier inuenteur:
Aucuns tiennent qu'il fut inuenté en
l'an six cens septante neuf, & autres que
ce fut en l'année six cens soixante qua-
tre, & quel inuenteur en fut Galliniche
Architecte Syrien, qui s'estoit refugié à
Rome: En fin les Romains bruslerent
les murailles des Sarrazins, & il fist d'e-
stranges effects aussi tost qu'on le mit
en vslage. Inger Roy de Russie en vid
brusler presque tous ses nauires qui
estoyent en nombre de mil, au siege qu'il
mit deuant Constantinople, en l'année
neuf cens trente-six. Hugues Regent de
France,

France apres beaucoup de peine perduë en vn long siege, emporta la ville de Frenay, par le moyen du feu Grec que l'Empereur de Constantinople luy enuoya, & en brusla l'armée nauale des Sarrazins. Il y en a qui appellent ce feu Grec, feu maritime, parce que ce feu est fort propre pour nuire à l'enenmy sur mer, puis qu'il brusle (l'eau de la mer luy seruant d'amorce.) Quant à ce qui concerne ceste espece de feu Grec, sa vertu est telle que le vinaigre seullemēt le peut amortir. Lisez Segebert & Luitprand. Paradin liure 1. de l'histoire de son temps, chap. VII. escrit que les Turcs faisoient grand deuoir d'assaillir les Rhodiens avec feu gregeois & autres, & pour la grande quantité toute la ville en resplandissoit. Lesdits Rhodiens n'en faisoient pas moins de leur costé, & se deffendoient plus vertueusement qu'ils n'estoient assaillis: & eust on veu les vns secoüans d'eux le feu gregeois estans à demy rostis, & les autres percez à trauers le corps.

Fil de fer. Sert à lier les bouëttes de bois des lanternes, escouillons & reffoul-

loirs des pieces d'artillerie.

Flambeaux de cire. On s'en sert ainsi que i'ay dit cy-deuant au nom de *bougie*.

Flasque. Est vne longue & large piece de bois d'orme, dont les deux assemblez font vn affust. De leurs longueurs, largeurs & espaisseurs, i'en ay fait mention en mon Instruction, chap. IV.

LE CVR. Autrefois quand ie ne sçauois rien apprendre ou retenir, feu mon pere m'appelloit, ô le grand flasque.

L'AVT. Devray, c'est comme qui diroit flache, fletry, fenné & passé : car quand vn flasque n'est employé & mis en œuure en sa saison, il deuiet pourry, vermoulu & passé, si qu'il ne sert qu'à mettre au feu : Ainsi celuy qui ne sçait ou ne s'applique à quelque chose bonne, il n'est pas digne d'estre.

Forge de campagne ferree. On la met sur chariot ou charette pour seruir aux forgers de l'artillerie, en vn siege & armée en cas de necessité.

Fourchette. C'est pour mousquet.

Fourniment. D'autant qu'il doit estre fourny & garny de poudre pour charger l'arquebuze.

Frette. Piece de fer ronde garnie de ses clefs, crampons & clouds pour mettre aux moyeux des rouës des pieces d'artillerie, dont à chacun d'iceux de canon, couleurine & battarde en faut quatre, & à chacun des autres au dessous, deux.

Fronteau de mire. Piece de bois seruant à mirer l'artillerie, estant de deux pieds & demy de longueur, d'un pied & demy de hauteur, & demy pied d'espaisseur, pour se couvrir & garantir de mousquetades & arquebuzades. Il y a vne petite fente pour prendre mire & visée, & le tient-on avec deux chevilles de bois.

Fustailles, muids ou poinçons. Ils seruent à mettre boulets de plusieurs sortes & autres munitions.

G

Gabion. I'en'en trouue point vn vray mot Latin, sinon que Paradin parlant du siege de Rhodes, l'appelle *Vas vimineum*, ou que nous luy donnions par compa-

raison le nom de *Vinea*, qui est vn instrument fait de bois sous lequel se mettoient les gens de guerre pour avec moins de danger approcher à rompre les murs d'une ville, dont parle Vegece liure quatriesme, chapitre XV. & que j'ay fait mention, en mon Arcenal chapitre XXV.

LE CVR. D'où prendroit donc son etymologie ce mot de *gabion*?

L'AVT. Du mot Grec *γαβεις*, *eminens, excelsum*, ou du mot Hebrieu *gab*, signifiant le mesme & toute chose esleuée pour seruir de dos & se mettre à couuert. Que si on renuerse le mesme mot en *bag, backe*, s'en trouuera formé en Anglois, dos.

LE CVR. De quoy & de quelle façon sont les gabions?

L'AVT. J'en ay fait vn chapitre à part qui est le susdit XXV. de mon Arcenal. Pour ce qui est de la forme de ceux des Turcs, ie renuoye le Lecteur au X. chapitre de mes Recherches: mais en voicy d'une autre façon. L'Historien Chalcondyle escrit que Tamberlan voyant que de viue force & du combat de la main, il ne pouuoit rien aduancer à la

prise de Smirne, que possedoiēt les Che-
 ualiers de Rhodes, recourut aux inge-
 nieurs qui luy dresserent de grands cer-
 cles ou gabions couchez en *Cylindre*, de
 grandeur desmesurée capables chacun
 de deux cens hommes, qu'il fit à l'im-
 pourueu rouler dans les fossez de Smir-
 ne qui les remplissoient & attaignoient
 à la plus part de la hauteur des murail-
 les, & au mesme instant les soldats de
 tous costez monterent facilement sur ces
 gabions avec des eschelles de mediocre
 grandeur, preparez en grand nombre
 gaignerent tout en vn moment les cre-
 neaux & les tours, & par ce moyen la
 ville fut tout à coup comme inondée de
 ceste multitude infinie de Barbares,
 auxquels ceux de cest Ordre firent teste
 tant que les forces & le sang leur peut
 suffire, & sans parler d'autre chose que
 de vaincre ou mourir y laisserent leurs
 vies.

LE CVR. Qu'est-ce Cylindre?

L'AVT. Vne piece de bois longue &
 ronde, laquelle on roule sur la terre
 qu'on veut applanir.

Gouppille. Petite piece de fer platte en

façon de languette, pour mettre dans les ouvertures des heurtoirs & chevilles de fer, afin de les tenir fermes & en estat.

Goutiere, ou platine. Espece de ferrure qui se met au bout de la grosse entretoise d'un affust à canon, couleurine & battarde seulement.

Gratoir. Outil de fer à masson.

Grenade. Espece d'artifice de metal de cloche en forme ronde, garnie d'une viz de fer ou cuiure percée où se met l'amorce lente, autour de laquelle grenade on met aucunes fois balles de plomb ou pointes de fer, pour se creuant endommager davantage l'ennemy.

LE CVR. Comme quoy?

L'AVT. Elle se peut ietter en un assaut, ou parmy l'infanterie & caualerie, & fait grande execution quand elle est bien maniée. C'est pourquoy les Turcs voulans assieger par mer l'esperon de saint Michel en l'isle de Malte, le Grand Maistre enuoya distribuer par toutes les postes trente mil grenades & autres feux artificiels, & à ceux qui auoient esté au siege de saint Elme, qui estoient gueris

de leurs playes, & ſçauoient la façon de les manier.

LE CVR. Mais qu'elle nouvelle inuention eſt-ce de ces grenades qu'on tire avec le canon?

L'AVT. Telle inuention eſt vaine, d'autant qu'ayant eſté eſprouuée, elle s'eſt trouuée de nul effect.

H

Hache. Qu'aucuns confondent avec *coignee*. *Aſcia* en Latin, *ἀξίον*, en Grec, de *acina*, mot Chaldée, *axt*, & *hacken*, en Aleman: *hocina*, & *hocino*, en Eſpagnol. Le diminutif *hachete*, ou *petite coignee*.

Halebarde. Par tranſpoſition des radicales du mot Hebrieu *darab*, fuſt ou baſton garny d'une pointe de fer, en *rabad*, *רַבִּדּוֹס*, a eſté fait en Grec, en meſme ſignification pour baſton: Et encor par autre tranſpoſition en *barad*, *al-barde* en peut eſtre deriué en François prepoſant l'article Arabique, *al*, *halebarde*, *quasi al-rabde*, de *רַבִּדּוֹס*.

LE CVR. N'y a-il point d'auteur qui en ait fait mention?

L'AVT. Le Jurisconsulte Vvolffgan Hunger Alleman en son abregé sur les memoires & tablettes de Charles Bouilly, sous ce mesme nom, *halebardæ Hastæ genus ad pili Romani ferè longitudinem ita factum, vt non punctim solum ex aduerso ferire sed etiam cæsim librato ictu altè in cabut, vel punctam acumine, vel latum vnius securicula quam habet ex altero latere, possit inferre. Gestare solent Heluetij Regis Gallie satellites: Item milites Germani post primam aciem stare sueti, & qui præstanti robore vexillum stipant, appellant (halebart) integro nomine in Gallos translato. Vne espede de lance ou pique, ainsi faite à la longueur presque du jaelot Romain, à ce qu'elle puisse non seulement frapper de poincte par deuant, mais aussi de taille en portant le coup pesamment au dessus de la teste, ou enfoncer dedans la petite poincte ou le tranchant qu'elle a de l'autre costé en forme de hachette. Les Suisses de la garde du Roy de France ont accoustumé de la porter. Aussi les soldats Allemands addonnez d'estre apres*

apres l'auantgarde ou la premiere pointe, & ceux estans d'une grande force environnans l'enseigne, l'appellent, *halebart*, par vn mot entier transferé aux François. Outre ce, voyez ce que i'ay noté cy-deuant des halebardes au mot, *armes*.

Hampes de bois. Au bout desquelles sont deux bouëttes de bois liees de fil de fer, dont sont montées les lanternes de chargeoirs, escouillons & refouloirs des pieces d'artillerie. Il semble que le mot soit prins de *hampe*, ou *poitrine de cerf*, mots de venerie, comme tenant le milieu de la beste, ainsi que Guillaume Budé l'a remarqué au deuxiesme liure de sa Philologie.

LE CVR. Mais plusieurs au lieu de *hampe*, dient *hante*.

L'AVT. Comme venant du Latin *hastile*, c'est à dire, le bois ou fust d'une pique, lance ou jaeline, ou de *hanit*, mot Hebreu signifié *hastia*, dont *hante*, peut estre deriué: car hanter vne pique, c'est mettre & assembler vne *hante* avec le fer, dont le tout s'appelle pique, lance ou jaeline, selon les proportions & diuer-

fitez, qui se portent à la main, que les Alle-
 mans nomment *hand*, & toute telle
 chose maniable, *handhab*, mais à cause
 qu'ils abhorrent les consonantes, ils
 dient, *handhe*. Par ainsi on peut reco-
 gnoistre que les Gaulois ou François
 ont appris d'eux beaucoup de voca-
 bles & mots, comme estans descendus
 de la nation Germanique.

Happes de fer. Pour mettre aux essieux
 des pieces d'artillerie, chariots & cha-
 rettes, dont on meine haut le pied à la
 fuitte & attirail de ladite artillerie.

Hardiere. Espece de cordage environ-
 née de menu cordage de deux pieds de
 long, ayant deux boucles, dont l'une se
 met dans le lymon de l'affust, & l'autre
 dans laquelle entre le pallonneau de
 bois. Il en faut deux pour chacun affust
 de canon, couleurine battarde. On
 pourroit proposer que le mot *hardiere*,
 deriue de *καρδία*, c'est à dire cœur, coura-
 ge ou hardiesse, ou bien de l'Alleman,
hart, d'où vient qu'on dit en leur langue
eyn hart man, pour vn homme roide &
 fort, estant ceste hardiere la premiere
 piece de cordage soustenant l'effort &

91
attelage de l'artillerie.

Herminette, ou erminette. Oustil à charpentiers & menuisiers.

Heaulme. Comme i'ay dit cy-deuant, les anciens ont confondu ce mot avec *casque, morion, cabasset.* Les Allemans l'appellent *helme,* armure de teste pour caualier.

Heurtoir de fer. Ce qui se met dans chacun costé d'affust à canon, couleurine & battarde, derriere & ioignant le tourillon desdites pieces. Le mot vient de *heurtis,* ou *heurtement,* en Latin *impulsus,* d'autant qu'il reçoit le heurt dudit tourillon, la piece tirant.

Heusse de fer. Pour mettre dans les bouts des effieux des rouës à pieces d'artillerie, & des chariots & charettes. On en meine haut le pied marchant en campagne.

Hottes. Pour seruir à emplir de terre fossez & gabions, faire caualiers & rehaussemens deuant vne place, & porter ce qui est necessaire.

Houëau, ou hoyau. Oustil assez cogneu. Les Allemans l'appellent *hau,* & de là, *hauen,* en Latin *fodere,* d'autant qu'il sert

pour fouyr & creuser. Les Suiffes le nomment *hue* & *huen*: & n'est merueille si les François ont retenu ces mots d'eux pour les raisons que i'ay declarées cy-deuant sous le nom de *hampe*.

I

Iante. Qu'aucuns escriuent *gente*, piece de bois d'orme pour rouës, dont en faut douze à chacune paire. Pour la largeur & espaisseur de celles d'artillerie, recours au IV. chapitre de mon Instruction.

Iumeraude. Est vne mesure de bois de ladite *Iante*.

L

Laiton, ou *leton*. Vient de *λυπῖς*, exposé *squama eris*, escaille de cuiure: *letton* en Alleman, *latten* en Anglois, *laton* en Espagnol, *latone* en Italien, *latoen* en Flamã.

LE CVR. C'est dont on fait des lames & placques pour les Epitaphes qu'on met aux Eglises.

L'AVT. Ouy, & encores d'autres choses; car comme escrit de Nicolay en son liure des peregrinations Orientales, au Temple de sainte Sophie, c'est à dire sainte Sapience, iadis edifié par Iustinian XV. Empereur d'Orient, œuvre de grandeur, structure, beauté & richesse incomparable, il y auoit cent portes de fin laiton Corinthien, les plus belles du monde.

LE CVR. Pourquoi l'appelle-on Corinthien?

L'AVT. Quelques vns tiennent que Corinthe prise & arse, plusieurs statuës & simulacres de cuiure, or & argent fonduës vindrent en vn, & retint le nom de cuiure ou laiton Corinthien.

LE CVR. Les autres dient qu'à cause d'une seule maison bruslée, où y auoit peu d'or & d'argent & beaucoup de cuiure, & le tout réduit en vne masse, de ce metal où gisoit la plus grande partie, le nom de cuiure ou laiton Corinthien est demeuré.

L'AVT. Or les autres racontent (comme estant la plus saine opinion) qu'un certain fondeur de Corinthe ayant soustrait un estuy plein d'or, & craignant qu'il ne fust descouvert, auoit meslé par intervalle de temps & par petites parcelles c'est or avec du cuiure, & composé ceste admirable mistion, par le moyen de laquelle il s'est acquis de grandes richesses. De tout cecy voyez Marc Antoine Muret en ses diuerses leçons, liure troisieme, chapitre III.

Lance. En Latin *lancea*. Il y a des lances à bouëttes qui ne sont pas de guerre, ne pour iouster à outrance, nommées *lancee pyxidate*, lances embouëtées: car *pyxis* vaut autant à dire qu'une bouëtte de bouys ou d'autre chose.

LE CVR. Vous n'avez pas tout dit.

L'AVT. Comment?

LE CVR. Mon Maistre, trois mots à l'aureille. *Henry Estienne* en la Preface de son traité de la conformité du langage François avec le Grec, dit que nos ancestres ou plustost le vulgaire d'iceux, de lance appelée *λόσκην* en Grec, ont fait un homme, voire qu'ils ont canonizé.

L'AVT. Il dit bien dauantage, que d'un homme nommé *Malchus*, ils ont fait vne certaine sorte de glaiue: mais tout cela est pour monstrier qu'on ne se doit seruir ainsi des mots à rebours & contre-poil, & que ceux qui font ce mestier, pour le moins s'ils n'ont esgard à leur honneur en cest endroit, qu'ils ayent celui de leur patrie en recommandation, & tousiours deuant les yeux le prouerbe, *si non castè, tamen cautè*.

LE CVR. Or bien tout cecy soit dit en passant, reuenons à nostre premier mot. Les gens d'armes d'Arabie se seruent de certains rozeaux du pays, comme de lances, & en munissent la pointe de fer.

L'AVT. En l'Isle Espagnole, il y a aussi des rozeaux qui ne sont pas gueres plus gros que les nostres: mais neantmoins autant fermes & solides que du bois bien dur, & qui peuuent pareillement seruir de lances.

Lansquenette. Espece de tente de toile à deux masts sans murailles, plus haute & longue que la canonniere, soit qu'elle ait esté vne sorte de tente de Lansque-

nets, ou bien où ils logeoient anciennement gardans l'artillerie. Ce que font maintenant les Suiffes au parc des munitions.

Lanternes de cuiure battu. Garnies de hampes & bouëttes de bois pour charger pieces d'artillerie.

LE CVR. Pourquoi font-elles ainsi appellées?

L'AVT. Pour la conformité qu'elles ont avec ces lanternes fourdes.

LE CVR. J'ay ouy dire qu'anciennement on en faisoit de feuilles de fer blanc.

L'AVT. Il est vray, mais l'usage en est perdu, pour les raisons declarées cy-deuant en la lettre F, sous ce mesme mot, *feuilles*: Combien qu'en vne necessité on s'en pourroit seruir en vne ville ou autre place: car pour les sieges & armées on a de coustume de mener lanternes de cuiure haut le pied.

Lanternes à esclairer. En Latin *laterna*, derivant de *lateo, es, latere*, cacher: mais si on en vouloit vne etymologie plus significative, on diroit que de ce verbe Hebrieu, *laat*, *laterna* auroit esté formé, *ab ardendo*

ardendo & collucendo, d'ardre & reluire.
Latern, en Alleman, *lanterne* en Anglois,
lanteerne en Flaman, *lanterna*, en Italien &
 Espagnol.

LE CVR. Combien y en a-il de sortes ?

L'AVT. Il y en a de bois & corne, autres
 de corne & fer blanc, & autres de fer ap-
 pellées *sourdes*. Le tout servant la nuit
 aux batteries & parc de l'artillerie à al-
 ler & venir & autrement: Ainsi selon Ve-
 gece liure quatriesme de l'art militaire,
 chapitre XVIII. sur la fin, parlant de la
 maniere du bruslement des tours am-
 bulatoires, est dit: *Depositi quoque homines*
funibus, cum hostes dormiunt, in laternis por-
tant lucernas, & incensis machinis rursus le-
uantur in murum. Pareillement les hom-
 mes estans mis bas avec cordes (lors que
 les ennemis dorment) portent de la lu-
 miere dans des lanternes, & les machi-
 nes allumées & enflambées, en apres ils
 sont enleuez dessus la muraille.

Liens de fer. Il y en a deux dessus chacu-
 ne jante des rouës de canon, couleurine
 & battarde, & deux autres sur chacune
 bande d'icelles, pour ce appellez *liens*
sous & susbandes, dont en faut quarante-

huit garnis d'autant de chevilles pour
chacune paire de dites rouës.

Lièvre. Cordage appellé d'aucuns *tra-*
uerse, dont on a de coustume de lier en
trauers les charges des chariots & cha-
rettes.

LE CVR. Plusieurs ne discernans les
deux points sur l'ë, pourroient pronon-
cer autrement.

L'AVT. C'est vn mot trissilabe en ceste
façon, *li-ëu-re*, qu'on pourroit encores
escrire, *li-ü-re*.

Lime. En Latin *lima*, oustil de fer dont
plusieurs artisans vsent, il y en a de gran-
des & petites, de plattes & à couteaux,
de carrées & rondes. Aux terres Neuf-
ues il croist vne herbe nommée *cobuye*,
ou *henequen*, de laquelle on fait vn filet
rougeatre, qui meslé avec du sablon ne
couppe pas moins le fer que scauroit fai-
re vne lyme platte ou scye, quelque es-
paisseur ou durescé que le fer aye.

LE CVR. On dit que le fer coupe bien
filet.

L'AVT. Ouy bien, mais on en substitue
vn autre iusques à tant qu'on ait par-
cheué l'ouurage, Dieu ayant ainsi vou-

lu moderer les choses que le dur est dompté par le mol, & le mol par le dur.

Limon. En Latin *temo*: C'est pour affust de pieces d'artillerie, chariot & charette, dont en faut deux à chacun, où se met le premier cheual appellé *limonier*.

LE CVR. Aucuns au lieu de *limon*, dient *timon*, comme approchant du mot Latin cy-dessus.

L'AVT. Ce n'est impertinemment dit, d'autant que *temo* peut deriuier de l'Hebrieu *mota*, qui signifie vn bois long qui trauerse vn ioug, lequel mot Hebrieu transposé fait *toma*, d'où vient nostre etymologie de *timon*, en Espagnol, *timon*, en Italien *timone*.

Louchet. Oustil à pionnier seruant à faire & creuser fossez, & pour ce semble qu'il vient de $\lambda\alpha\kappa\acute{\alpha}\iota\upsilon\omega$ c'est à dire *fodio*, i e fouys ou creuse.

M

Maillet de bois. En Latin *malleus*: Orde la racine de l'Hebrieu *alam*, se fait *al-*

muth, qui signifie le mot Latin : En sorte que si on renuerse les radicales de *alam* on trouuera *mala*, dont le mesme mot *maleus* fera deriué. Plusieurs artisans en vsent, & les tentiers aussi pour coigner dans terre les cheuilles de bois des tentes & pauillons.

Marque de fer. Où est le chiffre de Monseigneur le Grand Maistre del'artillerie, seruant à marquer les cheuaux d'icelle à leur reception, & qui sont depuis à la solde du Roy pendant vn siege & armée.

LE CVR. Mais s'il aduient qu'aucuns desdits cheuaux soient tuez ou morts en faction au seruice de sa Majesté, au fait de ladite artillerie?

L'AVT. En rapportant par les Capitains du charroy ou autres faisans nombre de cheuaux, la marque d'iceux à mondit Seigneur le Grand Maistre & Controolleur General, ou leurs Lieutenans & Commis, ils en sont payez selon la prisée & estimation qui en a esté faite à leur dite reception.

Marteau de fer. *Malleus* en Latin. Prenez la mesme etymologie que cy-de-

uant, au mot, *maillet de bois.*

LE CVR. Combien de forte y a-il de marteaux?

L'AVT. Il y en a de plusieurs. Les fondeurs en vsent pour applannir & vnir lentement au mieux qu'il est possible, le dessus des pieces d'artillerie apres la fonte & elezage d'icelles: & à cause de ce on les nomme *marteaux à lenter.* Les charrons ont de gros marteaux à en-rayer, soit de cuiure ou de fer. Les forgeurs & autres artisans se seruent aussi de marteaux de fer, dont les vns sont appelez marteaux à frapper deuant, & les autres à main.

Masse de fer. Il vient de $\mu\acute{\alpha}\zeta\alpha$ & par permutation de ζ , en ss , on dit *massa.* Cest oustil sert aux sappeurs & mineurs.

Mast. Piece de bois seruant aux tentes & pauillons: Ainsi on dit tente à deux masts, trois masts, & quatre masts. A chacun pauillon il n'y en a qu'vn, auxquels masts il y a vne cheuille de fer ronde avec sa virolle, pour mettre dans les festieres desdites tentes, & dedans la piece de bois carrée au feste desdits pauillons: s'il y a garderobbes tenantes

ausdits pavillons, elles sont soustenuës
de masts & festieres.

LE CVR. D'où a prins le mot de mast
vraye signification.

L'AVT. De celuy de mast de nauire, quoy
les Nautonniers de l'Ocean Germanique
que ont transferé aux François: car les
Allemands appellent vn mast de nauire
mastbaum.

Meiche. Le nom est prins de celle d'vne
lumiere ou chandelle, dite *mixa* en La-
tin, en Grec *μύξα* *moco* en Italien, *moco* en
Espagnol. La meiche est departie aux
canonniers & soldats en la guerre & au
tres occurrences.

Mesures de fer blanc. Il y en a tenans deux
liures, vne liure, & demie liure de pou-
dre à canon menuë grenée, pour plus fa-
cilement & promptement sans la peser,
deliurer quelque quantité aux soldats
en vn siege & armée, selon le comman-
dement qui en est fait au Commis de
Monsieur le Garde general de l'artille-
rie.

Morion. Armure de teste pour piquiers,
& anciennement pour arquebuziers,
esquels morions estoient couuerts de

peaux d'ours ou d'autres bestes veluës & herissonnées à l'espouente des ennemis. Vegece liure deuxiesme, chapitre XVI. Et encores d'autres fortes d'animaux, comme le prouue Iosephe de l'Escale, en ses Nottes & Abregez sur Varron. Outre ce, j'adiousteray le tefmoignage de Polybe, prins du sixiesme liure de ses histoires, touchant l'ordonnance & assiette du camp Romain, où il dit: *Adornatur præterea miles & simplici casside, cui lupi pellem imponunt, aut eiusmodi aliquid, quod integumentum pariter insigneque sit, ne in prælio suos quisque præfectos strenuè aut ignauiter se gerentes, latère possint.* Au surplus le soldat est orné d'un simple morion, auquel on met la peau d'un loup ou quelque chose semblable: laquelle couuerture soit pareillement un signe à ce que chacun d'eux se comportans vaillamment ou nonchalamment au combat, ne puissent estre cachez ou dissimulez de leurs Chefs ou Capitaines. Iusques à ce Polybe. Or non seulement à l'horreur des ennemis telles peaux estoient mis à l'entour des morions, heaumes ou armets (les an-

ciens ayans confondu ces mots) mais
 aussi on mettoit la forme d'autres ani-
 maux baillans, pour ornement. Virgi-
 le au septiesme des *Æneides*, parlant
 de Turne.

*Cui triplici crinita iuba galea alta Chimeram
 Sustinet, Ætneos efflantem faucibus ignes.*

L'armet au bout est cresté d'un panache

A triple crin: dessus lequel s'attache

Vne Chimere a la gueule ronflante:

Et feu d'Ætna h' deusément soufflante.

Sur ce passage lisez Turne bel liure vingt
 huitiesme de ses Recherches, chapitre
 XVI. Plutarque en la vie de Marius, des-
 crit les morions ou heaumes des caua-
 liers Cimbres, ornez & de plumes &
 d'espouventables forme d'animaux
 baillans. Luy mesme raconte Alexan-
 dre le Grand s'estre monstré insigne &
 admirable en l'armée, par le moyen d'un
 ne trompe & de tresblanches plumes
 en son heaume. Oyons encore nostre
 Polybe liure sixiesme prealegué. *Preter
 hæc omnia adornantur corolla plumea, pennis-
 que tribus puniceis aut nigris erectis, longitu-
 dinis ferè cubitalis: quæ cum in summo vertice
 ceteris armis addiderint, vir quidem apparet*
 duplo

duplo major quam sit: eius vero aspectus pulcher, hostibusque terribilis. Outre toutes ces choses (tendans à l'embellissement des soldats & gensd'armes) ils sont ornez de courronnes ou petits chappeaux emplumez, & de trois autres grandes plumes rouges ou noires, esleuées presque de la longueur d'une coudée, lesquelles quand elles sont adioustées au reste des armes au haut, l'homme paroist aucunement plus grand de moitié qu'il n'est: mais son regard & maintien beau & espouventable aux ennemis. Encores la coustume est maintenant & a esté cydeuant, que les armoiries & escussions des nobles familles sont distinguez & ornez en leurs armes, de formes de lyons, loups, cerfs, chiens, aigles, vautours, dragons & d'autres bestes, ou de leurs testes, pieds ou autres parties. Les Egyptiens ont esté les premiers qui ont enseigné ceste façon d'orner les morions & heaumes, selon Diodore Sicule liure deuxiesme. Depuis les Grecs l'ont emprunté d'eux, & de ceux-cy les Romains, comme plusieurs autres choses concernans l'art militaire. Pour le re-

gard de l'invention du morion ou heaume, Plin liure septiesme, chapitre LVI l'attribuë aux Lacedemoniens.

LE CVR. C'est bien dit: mais l'an mil cinq cens soixantecinq, les Turcs pour aller aux derniers assauts des places de l'Isle de Malte, trouuerent vne invention de morions de bois, qui estoient certaines tables lesquelles ils portoient sur leurs testes qui les couuroient iusques aux espauls, pour se garantir contre les pierres, feux & arquebuzades.

L'AVT. Il est vray, mais il semble qu'ils ayent emprunté ceste invention des habitans de l'Isle & region Iucatane en Occident, suiuant le Commentaire sur la description de Ptolomée, par Cornelle Vvytfliet, Secretaire Royal en la Cour & Senat de Brabant. Et pour en dire ce qui en est, les Turcs se trouuerent si chargez & empeschez de ces tables qui occupoient vn grand espace, qu'ils n'auoient moyen de rien ietter, ny de manier leurs armes, ny d'affaillir en gros comme ils faisoient auparauant: & parce qu'ils estoient ainsi chargez, le moindre coup de pierre ou d'arme les faisoit

trebucher, & tomboient leurs morions contre les pieds & jambes des autres. Outre ce, les assiegez faisoient rouler sur eux des debris de colonnes qu'ils prenoient par les jardins & de grosses pierres & de leurs boulets qui les estourdissoient dessous leurs morions, & des feux & de la poix qui s'attachoit facilement au bois. Tellemēt qu'ayans assez esprouvé ceste inuention estre vaine & nuisible, ils se mirent encore en plus de desordre & confusion qu'auparauant. Voyez l'histoire del'Institution del'Ordre des Cheualiers de saint Jean de Hierusalem, depuis dits Rhodiens, & à present Cheualiers de Malte au deuxiesme Volume, liure septiesme.

LE CVR. Je vous prie me donner autre contentement que de ces morions de bois.

L'AVT. Paradin liure troisieme des histoires de son temps chapitre IV. raconte qu'en l'an mil cinq cens trente deux, Sultan Soliman s'acheminant pour la seconde fois deuant Vienne en Autriche, faisoit porter par douze de ses Pages, douze armets ou morions

couverts de ioyaux merueilleux, le dernier desquels auoit esté fait à Venise, & l'auoit achepté Abrain Bascha, cent quarante mil escus, qui le presenta au grand Seigneur.

Mouffle ferree. Garnie de poulies de cuiure, boulons & cordage pour monter les pieces d'artillerie à l'elezoir, & pour seruir en vne armée.

Moule. Il y en a de cuiure, dont deux coquilles enthenillées de fer font vn moule à fondre & faire boulets à pieces d'artillerie ainsi que i'ay dit cy-deuant sous la lettre C. Il y a d'autres moules de fer pour fondre & faire balles de mousquets, arquebuzes & autres bastons à feu.

Mousquet. Semble qu'il vient de *μικρον*, qui vaut à dire *tormentum*, toute sorte d'instrument de guerre à ietter pierres, boulets & autres choses, tellement qu'on peut nommer les mousquets *minora tormenta campestris*. Voyez ce qui a esté dit du calibre, au mot *arquebuz*, en la lettre A.

Moyenne. Quatriesme espede d'artillerie du calibre de France.

Moyeu. Il en faut deux de bois d'orme à chacune paire de rouës de pieces d'artillerie. Voyez les longueurs & largeurs en mon Instruction chapitre IV. Il a prins son nom de moyeu d'œuf, comme tenant le milieu de la rouë, ainsi que le jaune en l'œuf.

Muzeau de fer. En faut deux à chacun esieu de canon, couleurine & battarde, qui environnent les bouts desdits esieux.

N

Noyaux de fer. Ils sont entourez de terre & cendre avec fil de fer, garnis de croisées au haut pour les tenir en estat, & de manuelles seruans à les esbranler apres la fonte des pieces d'artillerie, & se mettent au milieu des chappes d'icelles pour former leur calibre: & parauanture sont-ils ainsi appellez par comparaison des noyaux de plusieurs fructs, d'autant qu'ils tiennent le milieu.

O

Oing, ou *vieil oing*. Servant à greffer le dedans des moyeux & bouts d'essieux des rouës de pieces d'artillerie, chariots & charettes, escrouës de verins & autres choses pour plus aisément s'en servir.

Orgues. Sont plusieurs arquebuzes à à croc, ou canons de mousquets & arquebuzes communes, posées & mises proches l'un de l'autre dans vn fust ou engin de bois, qui se tirent separément & consecutiuellement ou ensemblément: & la denomination vient en comparaison des orgues d'Eglise.

P

Paillace. Comme qui diroit *paleacea*, de *palea*, paille. Les Officiers de l'artillerie s'en seruent pour se reposer quelque temps pendant vn siege.

Palonneau de bois. De deux pieds & de-

my de long ou environ, & se met dans vne des boucles de la hardiere, & aux deux bouts dudit pallonneau on met les premiers traits pour ce nommez *traits à pallonneaux*. Il faut à chacun affust de canon, couleurine & battarde deux pallonneaux de bois.

Pauillon. On confond ce mot avec celui de tente, d'autant que tous deux se tendent avec cordages & chevilles de bois, car le nom Latin *papilio* signifie *pauillon* & tente, & *tentorium*, tente & *pauillon*.

LE CVR. Encore pour le subiet present de *pauillon*, il faut qu'il soit deriué d'ailleurs.

L'AVT. Les Chaldéens ont dit *papilion*, pour vne mesme chose que tente, *pauillon* en Anglois, *pauiglione* en Italien: Et peut estre que de la similitude du *papillon*, qui est *papilio*, estendant ses ailles de costé & d'autre, *pauillon* fut ainsi appelé. Voicy ce qu'en dit Isidore, liure quinziésme de ses etymologies, chapitre X. *Papiliones vocantur a similitudine parvuli animalis volantis, quod maximè abundat florentibus maluis. Hæ sunt aviculae, quæ lu-*

*mine accenso conueniunt, & circumuolante
ab igne proximo interire coguntur.* Pauillon
font appellez à la semblance d'un petit
animal volant, lequel abonde grande
ment, quand les mauues fleurissent. Ce
font ces oyfillons ou papillons, lesquels
s'assemblent à la lueur de quelque flamme
me, & volans à l'entour ils font con-
traints de mourir du plus prochain feu.

LE CVR. Toutesfois il semble que le
pauillon soit quelque peu different de la
tente?

L'AVT. C'est que tout pauillon, soit de
coustil, toile ou autre estoffe, est carré
& n'a point de festiere (ce qui est autre-
ment à la tente, comme nous dirons en
son lieu) & y en a à huit, dix, douze
& seize pointes, dont aucuns ont des
garderobbes y ioignantes, garnies de
masts & festieres.

LE CVR. A quoy seruent ces pauillons?

L'AVT. Pour se garantir durant vn sie-
ge des incommoditez du temps, soit de
chaleur trop ardente, ou de pluyes nei-
ges & autres accidents hyuernaux: Mes-
mes ainsi que dit Vegece liure premier
de l'art militaire, chapitre III. Aucune-
fois

fois les soldats moins aguerris demeu-
roient sous les pauillons, & alors on leur
enseignoit l'usage des armes.

LE CVR. Il faut donc que ces pauillons
ayent quelque belle apparence en vn
siege.

L'AVT. Ouy : Paradin liure troisieme,
chapitre II. des histoires de son temps
escrit que Sultan Solyman assiegeant
Vienne en Autriche, l'an mil cinq cens
vingt neuf, auoit en son armée plus de
quarante mil pauillons, desquels grand
nombre estoit planté sur le riuage du
fleuve de la Dunoye, qui empeschoient
les commoditez que ceux de la ville
pouuoient auoir par la riuere.

LE CVR. Pourquoi les pauillons &
tentes des Empereurs estoient ancien-
nement couverts de peaux de veau ma-
rin?

L'AVT. Pour remedier aux accidents
du tonnerre, ainsi que dit Titelman en
son abregé sur la Physique d'Aristote.

LE CVR. Veu que cy-deuant vous auez
dit que tout pauillon est de coustil, toi-
le ou autre estoffe, expliquez moy ce
dernier.

L'AVT. Les maisons & tabernacles de bois qui se portent d'un lieu en autre sont de vrais pavillons & tentes. Ainsy le Roy François I. lors qu'il parloit avec le Roy d'Angleterre VIII. à Guyennes, fist tendre de beaux pavillons. L'Anglois auoit fait apporter vne maison de bois, qui contenoit de belles salles & galeries enrichies & peintes, avec vn tel artifice qu'on la pouuoit plier & diuiser en ses parties, & la transporter aisément d'un lieu en autre, selon que dit Paul Ioue, liure vingtiesme de ses histoires.

LE CVR. Ceux qui ont escrit du Japon, comme Froés Iesuite, racontent que le Roy de Quabacondouij a vne semblable maison, qui aussi se porte d'un lieu en autre ayant huit stades, & parmy beaucoup d'autres choses memorables qu'elle contient, il y a vne chambre composée de grandes lames d'or jointes ensemble, se portant & mettant comme ladite maison.

L'AVT. Le Roy de la Chine en a vne pareille, mais la plus belle de toutes: car outre que ceste maison est capable de

loger deux mil personnes, on y loge encore sans incommodité les Orateurs des Roys, Princes & autres deputez pour le bien public. Il faut icy adiouster le pavillon que Sultan Empereur de Babylone enuoya à Federic Empereur des Romains. On y voyoit le Soleil & la Lune faire leurs cours & on y remarquoit les heures du iour & de la nuit. Ce dit Tyrrh. en ses Chroniques.

LE CVR. Il conuient donc inferer qu'un pavillon est reputé comme un Ciel?

L'AVT. Il en approche ou d'une hemisphere, tesmoing ce ciel de verre de Sappores Roy de Perse, dont parle du Bartas au sixiesme iour de la premiere Semaine.

————— sans bouger de terre,
Magnifique, il fendit un si grand Ciel de verre,

Que posant quelquefois son haut throne au milieu,

Sous ses pieds orgueilleux il voyoit comme un Dieu

Les feux de l'autre Ciel se cacher sous Nevee,

Puis tirer hors des flots leur perruque doree.

Or ce Ciel n'auoit rien de merueilleux en soy,
 Qu'vne enorme grandeur digne d'vn si grand
 Roy.

LE CVR. SURIUS en son Commentaire
 del'an mil cinq cens quarante vn, parle
 d'vne admirable machine d'argent
 montrant les mouuemens des Astres é
 Cieux, enuoyé par l'Empereur Ferdin
 nand au Turc Solyman.

L'AVT. Le mesme du Bartas en fait au
 si mention au lieu prealegué.

Hé! pourrois-je sous vne obscur' silence
 Ce nouveau Ciel d'argent, qui n'aguere à Bi
 rance

Fut au grand Roy des Turcs donné par Fer
 dinand?

Là dedans vn esprit sans fin se promenant
 Agitoit la machine: & bien que l'vne Sphe
 re

Gliffast fort lentement, & que l'autre au
 contraire,

Diligentast ses pas, leurs Astres toutesfois
 Des Astres naturels ne transgressoient les
 loix.

Pelle. Vient de pala en Latin, seruant à
 oster les terres remuées, & est oustil de
 pionnier & maneuure.

Per soir, ou poinson. Oustil de fer seruant à percer bandages & autres ferrures.

Pertuisane. Arme pointuë en forme de langue. Il semble que le mot vient de *pertuis*, & de là *pertuiser*, *trouër*, en Latin *pertundere*, d'autant que facilement elle perce ce qu'elle rencontre.

Petard de cuiure. Il y en a de plusieurs grandeurs & grosseurs.

LE CVR. A quoy seruent-ils?

L'AVT. Pour surprendre vne place: Et pour ce il faut bien recognoistre les portes, barrieres, pallissades, bacules, ponts, trebuchets, herfes & grilles, les lieux des flancs, si le fossé est sec ou avec eau, s'il est large & profond, s'il y a des machicoulis, des corps de gardes, & en quel lieu: si l'entrée est droite ou en destour: & en toutes ces choses il faut remarquer combien de pas elles peuuent auoir de long, de large, de haut, & de distance d'une piece à l'autre à peu pres. La place recognuë, on se doit seruir d'autres stratagemes pour couvrir ses intentions & diuertir l'ennemy en autre part. Or quand il y a pres de la place qu'on veut surprendre quelques fauxbourgs, ma-

zures, concautez ou quelques bois, l'af-
 failant s'en peut seruir pour faciliter les
 approches & dresser les embusches,
 descouurir facilement ce qui se fait aux
 portes de la place, prendre son occasion
 à propos, & receuoir les aduertissemens
 des personnes qu'il aura enuoyées pour
 recognoistre.

LE CVR. Quel temps est le plus propre
 pour petarder?

L'AVT. C'est ordinairement vn peu
 auant le iour, à cause que les sentinelles
 estans lasses & recreuës s'endorment,
 & que l'obscurité fauorise les appro-
 ches, sert de mantelet à ceux qui dres-
 sent les machines & plantent les pe-
 tards, & donne de la terreur aux assaillis.

LE CVR. Comment faut-il charger le
 petard?

L'AVT. Il le conuient charger de la
 plus fine poudre qu'on pourra trouuer,
 l'a battant bien ferme dans iceluy (mais
 non pas tant qu'elle en perde son grain)
 qu'il faut boucher d'vn tranchoir ou
 rouleau de bois appliqué fort iuste-
 ment, espais d'vn poulce, fondant vn
 peu de cire au dessus pour bien boucher

ses fentes, & empescher que l'eau n'entre dedans, si par cas fortuit il venoit à y tomber. Il ne faut pas charger le petard iufques à la bouche, il s'en doit manquer quelque chose, selon neantmoins la grosseur & grandeur d'iceluy, & ce vuide se remplira d'estouppes ou autre chose qu'on pressera bien fort, & appliquera-on apres vne toile deuant la bouche du petard, attachée bien serrée avec vne corde à l'entour du collet, pour euitter qu'il ne se descharge, & sur la lumiere vn bouchon de liege, & sur iceluy vn emplastre de cire ou de poix de peur de l'eau.

LE CVR. Et comment se fait l'amorce?

L'AVT. Il faut qu'elle soit tardive, afin que le petardier ait loisir de se retirer auant que le petard iouë, & propre pour resister à l'eau. On la compose avec trois parties de poudre fine, six de soulfhre & neuf de salpestre, pilez chacun à part fort subtilement, puis le tout meslé ensemble dans vne escuelle avec vne petite buchette de bois, on y verse de l'huile petrol peu à peu tant qu'il s'empaste, & le laisse-on bien seicher pour en charger

la fuzée.

LE CVR. Il y a encor ce me semble d'autres formalitez & engins seruans aux petards?

L'AVT. Selon les places & leurs affiettes, ce sont madrieres, fourchettes, ponts roullans & fleches, dont nous lairrons l'effect & vsage aux maistres en cest art.

LE CVR. Mais principalement qu'est ce madrier?

L'AVT. Vne planche de bois se mettant entre le petard & vn pont, de deux pieds de long, d'vn pied & demy de large, & trois poulces d'espais: Que si le bois n'est gueres fort, il le faut couvrir de lames de fer mise d'vn costé en trauers & de l'autre en long.

LE CVR. Pour finir ce discours, l'inuention du petard est-elle ancienne?

L'AVT. Du temps de nos peres, mais elle est morderne quant aux Turcs: car Mathieu en l'histoire de France, liure premier, narration cinquiesme & derniere, dit que la prinse de Iauarin en Hongrie, l'an mil cinq cens nonante huit, apporta vne grande reputation à l'armée de l'Empereur, laquelle en confessa

fessa beaucoup d'obligation au Baron de Vaubecourt, Gentilhomme Champenois, qui fist iouër trois petards si heureusement, que les Turcs & le Bascha qui commandoit dedans, virent plustost les ennemis au corps de garde qu'à la porte, estonnez de l'effect si prompt & impetueux du petard, duquel ils n'auoient encor cognu l'usage ny esprouué le pouuoir: C'est pourquoy, dit Xenophon liure premier: *Nota instrumenta bellica & hostibus ignota ac inusitata, magnum illis terrorum afferunt.* Tous nouveaux instrumens belliques incognus & inusitez aux ennemis leur apportent vn grand estonnement.

Pic, ou *pioche*. Outil de fer seruant à sappeurs, mineurs, massons, carriers & pionniers, & semble qu'il soit ainsi dit de *pic*, nom d'oiseau, *picus*, qui a le bec si pointu & fort qu'il en perce les arbres. Les Picards le nomment *becquebo*. Plin liure dixiesme, chapitre XVIII. le dit *pic-verd*, *quasi picus viridis*, & *pimart*, *quasi picus martius*, estant vn oiseau dedié au Dieu Mars. Et pour ce on appelle les arboriers ou fouisseurs d'arbres, *picos*. Sem-

Q

ble aussi que de ce mesme mot prouien-
ne *picque*, *picquier*, *picquoter*. Perionius
veut qu'il deriue de $\piεικειν$. Voyez le
Dictionnaire François, Latin de Robert
Estienne. Quand del'autre costé dudit
pic, il y a vn *hoyau*, il est nommé *pic-hoyau*.

Picque. Arme à gens de pied. Il y en a de
bois de Biscaye & commun, ferrées &
prestes à ferrer. Les anciens ont confon-
du ces mots *picque*, *lance*, & *javeline* pour
estre de mesme effect.

Pince de fer. Oustil seruant aux carriers,
massons, tappeurs & mineurs.

Pistolet. Petite arme dont les Reistres
vsent principalement.

LE CVR. D'où en vient l'etymologie?

L'AVT. L'origine en est merueilleuse,
que ie n'ay peu sçauoir sinon en la Pre-
face du traité de la conformité du lan-
gage François avec le Grec, de Henry
Estienne. Voicy ses propres termes: A
Pistoye petite ville qui est à vne bonne
iournée de Florence, se souloient faire
de petits poignards, lesquels estans par
nouueauté apportez en France, furent
appellez du nom du lieu, premierement,
pistoyers, depuis *pistoliers*, & en fin *pisto-*

lets. Quelque temps apres estant venuë l'inuention des petites arquebuzes, on leur transporta le nom de ces petits poignards. Et ce pauvre mot ayant esté ainsi pourmené long-temps, en la fin encores a esté mené iusques en Espagnes & Italie pour signifier leurs petits escus.

LE CVR. Vous ne dites pas tout, c'est que quelque matin les petits hommes s'appelleront *pistolets*, & les petites femmes *pistolettes*.

L'AVT. Cela ne fait rien au subiet.

Plane. Outil à charrons & tourneurs en bois. Les Dauphinois l'appellent *rabot*.

Platte forme. Combien que ce soit vn deuoir de Commissaires & Canonniers en vn siege, ien'en parleray icy dauantage, renuoyant le lecteur en mon Arce-nal, où i'ay fait vn chapitre entier qui est le vingt-sixesme.

Plomb. En Latin *plumbum*. Les Alcumi-stes l'appellent *saturne*, & sert à faire balles de mousquets, arquebuzes, & autres bastons à feu de ceste sorte. Voyez le deuxiesme chapitre de mes Recherches, où il est parlé des metaux.

LE CVR. Dites moy ie vous prie quelques autres particularitez.

L'AVT. C'est qu'il demeure long temps & se tient attaché dans la chair humaine sans y faire mal, comme ceux qui reçoivent les arquebuzades en font foy. Plus il ne brusle point, mais seulement déchire avec son poids le papier sur lequel on le met fondu & tout bouillant, comme dit Plin liure vingt-quatriesme, chapitre XVII. Aristote met en avant qu'aux Indes le plomb qui y naist ietté bouillant & fondu, dans l'eau froide, en sort. Ce qui peut arriuer à cause que le plomb n'est pas là si pesant, mais vn peu plus rare: c'est pourquoy à cause de ceste rareté, sortant aussi tost de la froidure, il ne s'enfonce pas dedans: ou peut estre il se peut faire qu'il s'enflamme avec plus de vehemence, & que par mesme moyen l'eau luy resiste par sa froidure plus violemment. Or le plomb a ce priuilege qu'il peut se reculer de l'eau froide, ce que ne scauroient faire ny l'or, ny l'argent, ny le fer, qui refroidissent aussi tost qu'on les met dans l'eau froide. Adioustons à cecy que le

plomb estant en masse s'enfonce dans l'eau mais quand il est dilaté il va à nage ainsi que dit le mesme Pline, liure deuxiesme, chapitre CIII. Cela estant propre à tous les autres metaux, lors qu'ils sont creux comme barques. Saint Augustin sermon cent quarante septiesme du temps.

Poids. Il y en a de cuiure, de fer, & de plomb, de plusieurs & diuerses grandeurs & nombres, dont on se sert à peser pieces d'artillerie, gros fardeaux & autres munitions.

Pont à batteaux. En mon Instruction j'ay fait vn chapitre à part sur ce subiet, qui est le XI. y ayant inferé les longueurs, largeurs, hauteurs & autres choses requises pour les batteaux dont on se sert en tel cas, & mesmes rapporté les exemples de ceux qui en ont vsé, & autrement en deffaut d'iceux batteaux.

LE CVR. Pour le premier chef, alleguez d'autres exemples outre ceux infererez dans vostre dite Instruction.

L'AVT. Caius Caligula fit bastir vn pont ayant joint plusieurs nauires ensemble & attachez avec chaines de fer:

Ce pont contenoit vne lieuë ou enuiron
 ron, allant de Baye à Puzolle. Il y auoit
 sur ce pont plusieurs beaux bastimens
 de maniere qu'il pensoit en y chemi-
 nant, estre dans les ruës de la ville de
 Rome: Que si on vouloit encor mettre
 en compte la longueur où ce pont s'es-
 tendoit, on trouuera qu'il y auoit bien
 trois lieuës: Quant aux ponts de la Chi-
 ne ils sont baltis sur des nauires de mes-
 me qu'en Hispal d'Espagne (aujour-
 d'huy Seuille.) Leandre liure premier
 des choses singulieres, chapitre X. Dans
 l'Arcenal du Roy à Paris, i'ay veu des
 batteaux propres pour seruir de pont,
 que le feu Roy Henry III. fit faire pour
 aller au deuant des Reistres, en l'année
 mil cinq cens quatre-vingts sept.

LE CVR. Pour le second chef, en def-
 faut de batteaux, de quoy se peut-on
 seruir?

L'AVT. Herodian liure huictiesme,
 chap. III. recite que l'Empereur Maxi-
 min voulant assieger Aquilée, lors gran-
 de ville en Italie, depuis nommée Algar,
 bourg sur les terres des Venitiens, n'en
 peut approcher, pour estre le pont rom-

pu, si quelques charpentiers ne l'eussent aduertý qu'aux villages & metairies d'alentour dont les habitans s'en estoient fuys, y auoit plusieurs tonneaux & cuues rondes, desquels les payfans se seruoient à charier du vin, & estans creux & profonds comme batteaux se pouuoient lier ensemble sans se deffaire ny enfondrer, estans couuerts d'osier, terre, sablon & autres choses bien accoustrées: Et par ce moyen le pōt fut incontinent fait selon leur aduis, dont les soldats passerent outre sans difficulté & s'approcherent de la ville. Paradin liure premier des histoires de son temps, chapitre I. dit que les Suisses ayans entendu la deffortune de Prosper Colomme, Gentilhomme Romain, prins à l'improuiste à Ville Franque par le Duc de Bourbon au voyage de Milan, duquel il fut prisonnier, firent vn pont de cordes pour passer le Pau & s'acheminer en la Duché de Milan. Pierre Hispal, partie cinquiesme, chapitre XXVI. assure qu'aux terres Neufues on fait des ponts de racines d'arbres, par le moyen desquels on passe les grands fleuues.

LE CVR. Que dites vous des ponts de bois sur terre, comme fit faire Seuerus Empereur de Rome, de trente quatre mille de long par le trauers d'Angleterre, ainsi qu'à escrit le susdit Herodian, liure troisieme, chapitre XII.

L'AVT. C'estoit à cause des marais pour combattre avec plus de seureté ses ennemis.

LE CVR. Puis que nous sommes sur ce mot de pont, & pour le finir, apprenez moy que veut signifier qu'il faut faire à son ennemy vn pont d'or, ou d'argent?

L'AVT. C'est qu'il les faut plustost contenter ou agréer, que de hazarder vne grosse armée contre petite troupe mise entierement au desespoir: estant coustumier ledit desespoir de renouveler les moyens de se remettre sus & recouurer vie. Or en ceste façon a esté vaincuë l'armée du Roy Philippes le Bel par la caualerie de Bruges. Et que par le mesme moyen le Roy Iean ayma mieux iouër au hazard sa personne, sa noblesse, & vn Estat au beau milieu de son royaume, que de receuoir l'armée d'Angle-

terre à condition de paix, qui ne deman-

doit

doit que d'eschapper la vie sauue & qui ne mettoit rien en ieu pour le prix de la victoire: Et pour ce aduint que dix mil hommes ou enuiron deffirent l'armée de France qui estoit de quarante à cinquante mil, & emmenerent le Roy prisonnier. Gaston de Foix fit vne mesme faute, car ayant gagné la bataille à la journée de Rauenne, lors qu'il voulut poursuiure vn esquadron d'Espagnols qui s'enfuyoient, il perdit la vie & mit en proye des ennemis tout ce qui estoit conquesté en Italie. Bodin en sa Reputlique liure cinquiesme, chapitre V. Et peut estre qu'à ce propos Plutarque a dit que Philippe de Macedoines s'asseuroit d'entrer en vne place inaccessible pourueu qu'un petit asne chargé d'or en peut approcher.

- *Poudre à canon.* En Latin *puluis tormentarius*, dont y en a de trois fortes, grosse grenée, menuë & amorce. Il y en a vn chapitre à part en mon Instruction, qui est le VII.

LE CVR. Outre la commune n'y en a-il point d'autre?

L'AVT. Chose admirable! qu'aux ter-

R

res Neufues la nature a imité l'art, comme si elle eust preueu la venuë des Chrestiens en ces regions, produisant au pays de *Quahutemelan*, vne poudre à Canon & vne matiere soulfhreuse qui se prend aussi bien aux arquebuzes, & toutes autres semblables machines, que la meilleure que nous puissions faire chez nous. Si bien que les Chrestiens par ce moyen rompent plus facilement aux Indes les forces de leurs ennemis, que Hannibal ne fit les Alpes avec du vinaigre, passant de Gaule en Italie. Voyez Gomare liure sixiesme de l'histoire generale des Indes chapitre XIII. & le dix huitiesme liure des Iours Caniculaires de Messire Simon Majole d'Asi, Euesque de Valtoure.

LE CVR. Les effects de la poudre sont admirables, & les accidens qui en arriuent tres-dangereux & dommageables?

L'AVT. François Guicciardin liure douziesme des guerres d'Italie, fait mention qu'en l'année mil cinq cens seize, venans en l'armée des François commandée par le sieur de l'Autresh de-

uant Veronne, huict cens barils de poudre sur chariots, aduint quel'enuie que ceux qui conduisoient les bœufs auoient d'entrer l'vn deuant l'autre, les fist haster en sorte que par le mouuement & pressis des rouës, il se fist du feu qui brusla la poudre, les chariots & les bœufs.

LE CVR. Que dites vous de la tour de Billy derriere les Celestins à Paris?

L'AVT. A la verité c'estoit où estoient les poudres à canon, lesquelles, le feu s'y estant mis par accident, causerent d'estranges ruines.

LE CVR. Mais trouue de la diuersité du temps.

L'AVT. François Belleforest en ses Chroniques dit que ce fut l'an mil quatre cens trente sept, au mois de Iuillet. Surius, en l'année mil cinq cens trente sept, audit mois. Nicole Gilles en ses Chroniques, le dixneufiesme du mesme mois mil cinq cens trente huict. Et Gilles Corrozet, en ses antiquitez de Paris, dit le semblable.

LE CVR. Veu donc tant de diuersitez, quel pied y dois-ie prendre?

L'AVT. La pluralité des Autheurs est

plus receuable. Joint qu'en la vitre au dessus la Chapelle nostre Dame, en l'Eglise saint Paul à Paris, est escrit que ce fust ledit dix-neufiesme Iuillet mil cinq cens trente huit. Mais outre ce ie trouue plus esmerueillable ce que George Bruin dit en la description de la ville de Malines en Brabant, & Surius en ses Commentaires. En icelle, suruint le sixiesme Aoust mil cinq cens quarante six, vn dommage memorable. Le foudre tomba sur la porte qu'on nomme de l'Arene, où il y auoit vn magazin de poudre à canon, laquelle s'estant esprise soudainement, rendit vn si grand bruit & vn tel tonnerre, que plusieurs croyoient la fin du monde estre arriüée: tout en vn moment ceste porte où y auoit vne tour fut dissipée, mais les fondemens des maisons prochaines furent souleuez & portez en l'air & semez deçà & delà: Spectacle horrible & espouuantable: Les fossez remplis d'eau furent tellement seichez, que la seicheresse contenoit six cens pas, & les poissons y furent trouuez tous cuits dedans: En outre plus de deux cens hommes en

perdirent la vie, qu'on trouua partie morts & partie bruslez: Quelques vns ioüioient aux cartes en vne cauerne qui furent esteints & consummez, & ne s'en sauua dans ce logis que la maistresse descenduë en la caue pour tirer de la ceruoise, & vn autre qui sortit trois iours apres d'une cauerne où il s'estoit caché s'enquerant si le monde estoit encor en son entier.

Poulie de cuiure. De προίλια en Grec. Elles seruent aux chevres de bois & mouffles pour monter & desmonter les pieces d'artillerie sur leurs affasts, & autrement.

Prolonge. Cordage seruant à lier & garrotter de long les charges des chariots & charettes, & partant semble que le mot deriue de *prou*, ou assez *longue*.

Pulurin. Qui est de *puluis*, poudre en François, d'autant que c'est où on met l'amource ou plus petite poudre pour amorcer les bassinets des mousquets, arquebuzes & autres bastons à feu. Le mot se prend pour le contenant & le contenu, qu'en Logique on appelle *relata*, ou *actiones* & *passiones*.

Q

Quaiſſon. Ils ſont de bois blanc ou ſapin: Il y en a de grands & moyens garnis de barres de bois & ferrures, pour mettre pluſieurs ſortes de munitions, ouſtils & uſtancilles de l'artillerie.

R

Rabot, ou rabos. Outil à menuſier: & ſemble qu'il prouient de *radendo bosco*, de *racler bois*. Les Flamans diſent *boſch*, & les Picards, *bos*, pour *bois*, ou *foreſt*.

Ray, raiç, ou rayon d'une rouë. Dans le Dictionnaire Latin *radius*, ſoit que la denomination ait eſté des rayons d'un Soleil en le figurant, ou bien du mot *roide*: car ils ſont le principal ſouſtien & force de la rouë: & faut par maniere de dire qu'ils ſe roidiſſent & tiennent fermes entre le moyeu & les jantes, & ſauf meilleur aduis, il faudroit eſcrire *red*, & au

plurier *reds*. Il y en a vingt quatre à vne
 paire de rouës.

Rape. Outil de fer à charpentiers plus
 large qu'vne lime.

Rauaud. Instrument de fer dont les
 fondeurs vsent apres la fonte des pieces
 d'artillerie, assauoir d'un grand plus
 long que la piece seruant à racler, rauau-
 der & oster les cendres, fil de fer & autre
 chose dans ladite piece: & d'un autre
 moyen pour aussi raccler le dessus des di-
 tes pieces.

Reffouloir. Garny de sa hampe &
 bouëttes de bois pour reffouler les char-
 ges des pieces d'artillerie, & est ainsi dit,
 d'autant qu'on ne foule pas pour vne
 fois seulement, mais on continue par
 plusieurs, iusques à tant que la poudre &
 toute la charge de la piece soit pressée
 & ferrée, pour estre l'effect du coup plus
 violent.

Romaine de fer. Grand instrument ser-
 uant à peser gros & lourds fardeaux,
 mesmes moyennes pieces d'artillerie: &
 ainsi appellée, d'autant que l'invention
 est venuë des Romains. Il y en a de
 moindres & petites.

Rondache. Arme assez cogneuë dont les anciens s'en seruoient prelque en toutes expeditions de guerre; maintenant on ne s'en ayde qu'aux assauts & bresches.

Rondelles de fer. Pour mettre au dessus des goupilles, lors que les trous des chevilles de fer ne sont à fleur des bandes ou autres especes de ferrures.

Rouës. En ce, il n'y gist autre interpretation, d'autant que cy-deuant i'ay parlé des effieux, jantes, moyeux & reds.

S

Sac. Ce mot a esté retenu en toutes langues pour vne mesme chose, *saccus* en Latin, *σακκος* en Grec, en Chaldée *sacca*, en Hebrieu, *sac*, en Alleman, Flaman & Anglois *sack*, *sak*, en Hongrois.

LE CVR. N'y a-il point d'autre distinction?

L'AVT. Non, sinon qu'en aucunes langues ce mot est monosyllabe, & en d'autres dissyllabe.

LE CVR. Mais pour le fait de l'artillerie, combien

combien y en a-il de sortes?

L'AVT. Il y en a de coustil pour porter poudre à canon aux batteries, de toile pour mettre terre à emplir gabions & fossez, & de cuir pour mettre poudre d'amorce qu'on baille aux canonniers pour amorcer l'artillerie.

Salpestre. Quasi sal-pestre. Principal ingredient en la composition de la poudre à canon, dont i'en ay fait mention en mon Instruction chapitre VII. Mais pour sa propriété & effect, il y a vn chapitre separé en mon Arcenal qui est le VI. Estienne Laigue en ses Commentaires sur le X. chapitre du trente vniesme liure de l'histoire Naturelle de Pline, l'appelle *salpetrum*, qui seroit vn substantif neutre de la seconde declinaison: maintenant *salsugo*, selon Budée, prins de Vitruue.

LE CVR. Cela posé, on trouue merueilleux que le salpestre brusle, combien qu'il soit extrêmement froid.

L'AVT. C'est bien plus, en iettant iceluy dans la bouche d'vn lyon, ou d'vn ours, ils perdent la faculté de mordre, à cause de ceste grande vertu & extrême

froidure dudit salpestre, qui a force de
 referer les conduits de leurs voix. Isido-
 re liure 17. chap. I. Tellement qu'il n'y a
 rien au monde qui n'aye quelque raison
 cachée & incōprehensible, laquelle on
 doit referer à la haute & sage proui-
 dence du tout puissant. Et ne faut pas
 beaucoup s'esmerveiller si le salpestre
 contient en soy deux elemens, l'eau & le
 feu, & ces deux contraires consistent en-
 semble, le froid & le chaud. C'est pour-
 quoy il n'appartient qu'à Dieu seul de
 bastir vne nature par des choses con-
 trairees & de l'entretenir par le moyen
 d'icelles, comme ont escrit Lactance au
 liure de l'Ire de Dieu, chapitre X. &
 saint Hilaire sur le IIII. chapitre de
 saint Mathieu. On trouue aussi estrange
 de ce qu'au Mont-Gibel, les neiges sont
 meslées parmy les feux & flammes: &
 bien que les deux coupeaux des deux
 ouuertes qui y sont, soient continuel-
 lement embravez, neantmoins ils ne
 laissent d'estre tousiours blanchissans
 & remplis de neige: par ce moyen la for-
 ce del'vn & de l'autre contraire demeu-
 re inuincible: Car la chaleur ne se dis-

sout point par le froid, ny le froid par la chaleur. Solim chapitre XI.

LE CVR. Pour finir ce discours du salpestre, quelques vns lisans le 6 chap. de vostre Arcenal en forme de Dialogue, de vous & dudit salpestre, pourquoy vous parlez à vne chose inanimée, & celle-cy vous respondre?

L'AVT. Ce sont personnes ignorantes ne conceuans les beautez & elegances des figures, lesquelles sont en Poësie & Prose, comme les fleurs en vn pré, ou les anneaux és doigts, ainsi que i'ay remarqué & recité des exemples en mes figures Poëtiques, Françoises en celle dite Profopopée, & dont cy-deuant i'ay rapporté quelques vers François de Ronfard, de la genice d'erain de Myron, en la lettre E. Ciceron induit l'Italie parlant de Catilina. De tout cecy voyez Quintilian en ses Institutions Oratoires liure 9. chapitre II. Et Talee en sa Rethorique liure premier, chapitre XXXIII. où ils recitent d'autres exemples: Mesmes les sacrées & saintes pages sont remplies de telles Profopopées, Pseaumes dix-huictiesme, & cent

quarante-huictiesme , & au Cantique des trois Enfans, en Daniel troisieme, dont i'insere icy la Paraphrase de Desportes Abbé de Thiron, du quatriesme verset.

*Benissez-le pluye & rosee,
Confort de la terre embrassee,
Vents legers, esprits agitez,
Feu dont la nature est si vine,
Hyuer pesant, chaleur active
Sur tout le Seigneur exaltez, &c.*

Saye de fer. Pour mettre dans les limons d'un chartil & essieu de bois, menant rouës à canon, couleurine & batarde haut le pied.

Scie. Du nom Latin, *ferra*, & de là *ferrave*, & *secare*. Aucuns escriuent *syer*, disans qu'il vient du $\xi\upsilon\epsilon\iota\nu$, c'est à dire polir & racler, comme il se fait aux bois & pierres quand ils sont tranchez & taillez par la scie. Il y en de plusieurs sortes, assavoir scies de long, de trauers & petites à la main.

Sergent-tretoir. Dans le Dictionnaire François Latin, *trairoire* de tonnelier, *tratoria*, qui serre & accroche les cerceaux pour mieux tenir les fonds des futailles.

Serpe. ἄρπη. Oustil assez commun dont les canonniers & pionnier principalement se seruent en vn siege & armée pour couper fassines & autres bois pour faire gabions, clayes & tels ouurages de semblable estoffe.

Soufflet. Pour seruir à forgeurs, il y en a de doubles & simples.

Souffre, ou soulfhre. En Latin *sulfur*, ou *sulphur*, *solfo* en Italien, *Zufre* en Espagnol, *solfer* en Flaman.

T

Tariere, ou teriere. Masculin & feminin, en Latin *teretra*: oustil dont les charpentiers, charrons & autres artisans vsent, & sert à trouër & percer.

Tenailles. Il y en a de droites & croches, & sont comme especes de pincettes qui serrent & tiennent avec force, bandages de rouës & autres ferrures, & pour ce le nom peut deriuier à *tenendo* ou *tenacitate*.

Tentes. Comme i'ay dit cy deuant sous la lettre P, ce mot se confond avec celuy

de pauillon : & à ceste occasion tente est dit en Latin, *tentorium*, *papilio*, & *tabernaculum*. Or pour bien en comprendre la signification, ie mettray le texte d'Isidore liure quinzième des es etymologies, chapitre X. *Tabernacula tentoria sunt melitum, quibus in itinere solis ardores, tempestatesque imbrum, frigorisque injurias vitant: dicta autem tabernacula, quod cortinae distent & funibus, tabulis interstantibus, appenderentur, quæ tentoria sustinerent. Tentorium dictum quod tendatur funibus & palis. Tabernacles sont tentes des soldats par le moyen desquels ils évitent en campagne la chaleur du Soleil, les orages, tempestes & dangers des pluyes & du froid. Or tabernacles sont dits de ce que les chaudières tendues de cordes sont pendues moyennant des aiz interposez lesquels doiuent soustenir les tentes. Tente donc est dit d'autant qu'elle est tendue de cordes & pieux ou chevilles de bois. Outre les canonnières & lansquenettes, qui sont especes de tentes sans murailles, dont j'ay parlé cy-deuant sous les lettres C. & L. Il y a d'autres tentes avec murailles, à deux, trois, & quatre masts seruans de*

chambres, cuisines, sales, & escuyeries
en campagne.

LE CVR. Pourquoi les anciens Arabes
souloient habiter dans des tentes?

L'AVT. D'autant que c'estoient gens
errants, vagabons & sans edifices, pour
ce, la nation est appellée deserte. Des
Portes en sa Paraphrase du cinquiesme
verset du cent dix-neufiesme Pseaume
de David.

*Pauvre moy, l'exil de ma vie,
M'est trop grièvement prolongé,
Je voy bien que ie suis logé
Parmy les tentes d'Arabie.*

Au Latin il y a *cum habitantibus Cedar*, &
peut estre que c'est la troisieme sorte de
metonimie, quand le continent est prins
pour le contenu. Mais en effet ces gens
barbares & farouches ne logeoient ail-
leurs qu'en des tentes, & encores noires
& rustiques, ainsi que sont les Arabes,
car ce mot *Cedar* est Hebrieu, signifiant
le noir & les tenebres. D'où vient qu'aux
Cantiques premiers, les tabernacles de
Cedar sont opposez aux tentes de Salo-
mon, c'est à dire ces tentes noires &
rustiques aux tabernacles precieux &

splendides. Le Cardinal Bellarmin en l'explication dudict 5. verset, où il est dit, *pellibus*, venant de *pellis*, peau ou cuir, tellement que ce seroit vne espece de Synecdoche, la matiere pour la chose qui en est faite, dont Ciceron, Tacite, & autres les ont ainsi appellées: Et aucuns *tentoria scortea*, qui est la mesme chose, car *scortum*, signifie aussi cuir & peau. Stevveche en son Commentaire sur le III. chapitre du premier liure de Vegece.

Tirebourre, ou *vit de chien*. Instrument de fer portant sa propre signification, d'autant qu'il sert à tirer la bourre ou autre chose au lieu, des canons, mousquets, arquebuzes & autres bastons à feu. En l'artillerie on s'en ayde pour tirer hors des pieces, le fourage, voire toute la charge s'il est besoin, quand il y a long temps qu'elles sont chargées, & qu'autrement faire ce ne peut. Cest instrument est fait en forme de viz venant en pointe: Selon les pieces d'artillerie il y en a de grands & petits, au bout desquels y a vne hampe de bois.

LE CVR. Puis que vous auez iusques à
present

present si bien & doctement dit, ie m'esbahis comme vous nommez vn tire-bourre, *vit de chien*, cela offencant les aureilles delicates.

L'AVT. Ce ne sont pas les vostres, pour estre aureilles d'asne : car quiconque aura leu les anciens Autheurs, sçaura que *vit de chien*, est vne herbe appellée en Latin *jarus* par les Apothicaires, ou autrement *aron*, ou *aros*, dont la racine est en façon de tirebourre. Pline liure huitiesme, chapitre XXXII. & XXXVI.

Tirefond. Il y en a qui seruent à attacher petards, autres à tonneliers, & autres pour attacher cheuaux en vn parc & armée.

Tisonnier. Oustil pour gens de forge seruant à tisonner & remuer le charbon des forges: & pour ce a prins sa denomination de *tison*, en Latin, *titio*.

Traicts. Sont faits de cordes, & sont ainsi dits de *traho*, *trahere*, *tirer*, ou de *tractus*, *traict*, d'autant qu'ils seruent à tirer & mener en campagne les pieces d'artillerie, & y en a à pallonneaux, soupallonneaux, battards, de retraicte, & communs, lesquels derniers seruent auf-

si à chariots & charettes. Voyez le VI. chapitre de mon Instruction.

Traineau. Instrument de bois à quatre rouës basses, seruant à force d'hommes à trainer dessus plusieurs sortes de munitions de lieu en autre, mesmes en vn siege on s'en pourroit bien seruir, tant pour mener gabions qu'autres choses necessaires aux batteries.

Trenche de fer. Outil à forgeurs seruant à couper & tronquer fer & bandages, & semble pour ce que le mot vient de *trunco, as, are.*

Truelle. Outil à massons, en Latin *trulla.*

Tuyere. Outil de fer seruant aux forges, & prouient de *tuyau*, d'autant qu'elle est en quelque façon semblable, & se met derriere & dans la muraille de la forge, pour receuoir le soufflement prouenant des soufflets, & par ainsi allumer & entretenir le feu.

V

Verin. Instrument tout de bois servant à leuer artillerie pour monter & desmonter, dont y a six pieces, assavoir la sellette, les deux viz, l'escrouë, & deux leuiers pour tourner & destourner lesdites viz qui ont prins le nom du total, comme de la chose plus releuée & excellente dudit instrument: Car ainsi que dient les Philosophes, *a prestantiori & majori parte denominatur totum.* Or on pourroit dire que de viz, vient *Verin*, de virer & tourner, en Latin *vertere*: ou bien de *gyrus*, & *gyrare*, par permutation de *g*, en *v*.

Villebrequin. Oustil à tonnellerie & autres gens de mestier, & semble que ce soit le diminutif de *v*ville, dont i'ay cy-deuant parlé en la lettre *B*, au mot *barroir*: Comme de *Iosse*, on dit *Iossequin*, *Ian*, *Ianequin*.

Vit de chien. Voyez le mot cy-de-

uant de tirebouvre.

Vrilette. Oustil à charron pour servir d'auant-cloud.

F I N.

Extrait du Priuilege du Roy.

PAR grace & priuilege de sa Majesté a esté permis à Daniel Dauelourt Officier ordinaire de l'artillerie, de faire imprimer, vendre & distribuer par tels Imprimeurs, & par tout où bon luy semblera, vn liure par luy composé, intitulé *Dictionnaire Artillier, historique, &c.* Et sont faites deffences par sadite Majesté à tous Imprimeurs & Libraires, d'imprimer, vendre, ny distribuer lesdits liures durant le temps de 4. années, sans la permission dudit Dauelourt, à compter du iour qu'iceux liures seront acheuez d'imprimer, sur peine de tous ses despens dommages & interests & de confiscation desdits liures autrement imprimez, voulant sadite Majesté qu'en mettant au commencement ou à la fin d'iceux, copie ou extrait dudit priuilege, qu'il soit tenu pour signifié à vn chacun, comme plus amplement est déclaré audit priuilege, de ce, Donné à Paris le 23. iour d'Aoust, 1623. Signé par le Conseil, Versoris, & scellé à simple queue de cire iaune.

*Acheué d'imprimer le vingt-sixiesme d'Aoust,
mil six cens vingt trois.*

[Faint, illegible text, likely bleed-through from the reverse side of the page]

[Faint, illegible text, likely bleed-through from the reverse side of the page]





